

**Casparis Ziegleri De Episcopis eorumq[ue] juribus,
privilegiis, & vivendi ratione, Liber Commentarius**

Ziegler, Kaspar

Norimbergæ, 1686

V. Electionem animo integro & incorrupto perfici & ab omni Simoniâ
vacuam esse debere.

[urn:nbn:de:hbz:466:1-61543](#)

nio laudentur. Adscribam ipsa ejus aliqua verba, quae digna sunt, ut hic legantur, ex apol. i. Pudore suffusus sum in multis, qui cum ceteris nihilo sunt meliores, immo preclarè cum illis agitur, si non multo sint deteriores, illotis se, quod dicitar, manibus & profanis nec initiatis mentibus, rebus sacris ingerant: & autem digni sunt, qui templa adeant, thronum ambium Episcopalem. Trudunt, obtrudunt, & impellant se ad mensam sacram, ac si persuasum haberent, esse hunc ordinem non virtutis typum, sed ad victimum comparatam rationem, nec ministerium rationi reddendæ obnoxium, sed imperium absolutum, nec subjectum ratiocinio, suntq; ferè numero plures, quam sint, quibus praeficiantur. Quoad pietatem, miseri; quoad claritudinem infelices: adeò ut quod mibi videtur, progressu temporis & auge scente malo, nemo planè relinquatur, quibus præesse possint, cum singuli docant, singuli prophetent, ita ut etiam Saul inter Prophetas habeatur.

CAP. V.

*Electionem animo integro & incorrupto perfici,
& ab omni Simonia vacuam esse debere.*

I.

Pergimus ad ipsum electionis actum, qualiter ille peragi debeat, & quâ animi intentione suffragia ferenda sint, ut canonicè electus diciqueat, qui ad Episcopatus dignitatem evehitur. Nec enim una tantum macula est, quâ contaminari actus ille dicitur; sed innumera irrepere solent vitia, quae vel eligentes occupant, vel candidatos & competitorés, vel, quod frequentissime fieri consuevit, utrosque simul, vel denique ipsum etiam procedendi modum. Ut singula hic enumerem, nulla ratio svadet, & plura fortè sunt, quam enumerari per compendium queant. Videamus tamen, à quibus maximè cavendum sit, & quae turpiter semper Ecclesiæ faciem profluerunt. Nonnulla eorum elgeanter describit Johannes Saresberiensis in policrat. lib. 7. cap. 17. Domesticas, inquit, calamitates, & ibalamum sapientie expositum fornicatoribus & sanctuarii interioris recessum in prostibulum permutatum, sine gemitu & lacrymis nequeo deploare. Domus namq; orationis, negotiationis, Domino prohibente, facta est domus, & templum fundatum in lapide adjutorii in latronum speluncam versum est. Siquidem Ecclesia data est in directionem, aliis palam aliis clam occupantibus eam. Nam & ipsa occupanti conceditur, eò forte, quod in nullius bonis est. Non est enim inventus, nisi perrarus, qui accingatur gladio super femur suum ad presumptionem ambitionis reprimendam. Illa namq; machinas multiplices erigit, ut eam expugnet, nemine defensante. Alius enim de nobilitate confusus, aut viribus potestatum, violenter in

sancta irruit, & si force pulsat ad ostium, parietem aut limina suffodere non veretur. Nam & seditionem concitabit in Moyser, & alienum ignem in templum inferet, & vasa sanctuarii contaminabit. Alius sperans in multitudine divitiarum, Simone ducente, ingreditur, non inveniens ibi, qui eum & pecuniam suam jubeat ire in perditionem. Alius in muneribus ad Petrum reformidat accedere, clanculo tamen per impluvium auri, ac si per tegulas Jupiter illabatur in gremium Danaes, sic in sinum Ecclesie procul descendit incestus. Alius obsequio quasi muneris ignorans, adest, ac si obsequia non cedant in muneris rationem, profecto nullum majus est munus, quam cum homo seipsum hominis devovet servituti. Alium collusione quādam vocantis liberalitas praevenit, sed postmodum collatam gratiam suo Giezi plenius compensabit. Alius agit, ne ipsum pulsare oporteat, sed ad ingrediendum compellatur invitus, & quasi obnubilans lucernam DEI, ut eum impune irrideat fraudulentus. Diu siquidem alius simulavit. Ambitionem namque multis indiciis prodidit, & se divitem, potentem, insignem velle fieri confessus est, sed alia viā, in alio statu, sed in minori periculo, majore libertate &c. Videri ibi possunt alia plura, quibus corruptelas in hoc negocio usitatas acerrime perstringit.

II. Illis vero ut via præcluderetur, multa passim in jure Canonico occurunt monita, salutaria quidem & Ecclesie valde proficia, sed multifariam neglecta & conculcata penitus, atque recrudescentibus subinde vitiis oppressa. Apud Gratianum c. 14. dist. 61. extat palea, quam ex regulâ S. Benedicti depromptam ajunt Commentatores: *In ordinatione præpositi illa semper consideretur ratio, ut hic constituantur, quem omnis concors congregatio secundum timorem DEI, sive etiam pars congregationis, quamvis parva saniori consilio elegerit. Vitæ autem merito & sapientia eligatur, qui ordinandus est, et si ultimus est in congregatione. Quod si omnis congregatio vitiis suis consentientem personam pari consilio elegerit, & virtus ipsa aliquatenus in notitiam Episcopi vel ad alios vicinos præpositos vel Christianos claruerint, probibeatur prævorum prævalere consensum: sed domui DEI Episcopus constituat cum aliis dignum dispensatorem.* Agit quidem Canon de præposito Monasterii eligendo, sed optimo jure applicari ille etiam poterit ad electionem Episcopi, qui & ipse præpositus est, Ecclesie scil. suæ, & totius dioceſeos. In specie vero de Episcopo eligendo agit monitum Gregorii M. apud eundem Gratianum c. illud 8. q. 2. Illud quidem præ omnibus curæ tibi sit, ut in hac electione nec datio quibuscumque modis interveniat præriorum: nec quarumlibet & personarum patrocinia convalescant. Nam si quorundam patrocinio quisquam fuerit electus, voluntatibus eorum, cum fuerit ordinatus, reverentia exigente obligetur compellitur, sicque sit, ut res illius diminuantur Ecclesie, & ordo Ecclesiasticus non servetur. Cætera, quæ ex Gregorii epistolarum

larum Registro, uti vocant, Decreto suo pasim inseruit Gratianus Iubens prætero.

III. Inculcari hæc vacantibus sedibus sæpè oportuit ab Episcopis vicinis, ut electiones canonice perficerentur, neve violarentur decreta Ecclesiæ antiquitus præscripta. Quem in finem cùm apud Parisienses de eligendo Episcopo deliberandum esset, hunc in modum rescripsit Ivo Carnotensis, epist. 138. Consulendo itaq; monemus fraternitatem vestram, ut nemo vestrum in tanto discriminè privata odia exerceat, nullus privatum honorem vel privatum commodum querat, nullus fratrem suum publicâ infamia pulset, nisi iudicario ordine probare possit, quod objecerit &c. Et ad Episcopos Africanos scripsit Leo Papa apud Gratianum c. 5. dist. 61. Miramur, tantum apud vos per occasionem temporis impacati, aut ambientium præsumptionem aut tumultum valuisse popularem, ut indignis quibuslibet, & longè extra sacerdotale meritum constitutis pastorale fastigium & gubernatio Ecclesiæ crederetur. Non enim hoc est consulere populo, sed nocere, nec præstare regimen, sed augere discriminè. Integritas enim præsidentium, salus est subditorum. Et ubi est incolumitas obediencie, ibi sana est forma doctrinæ. Principatus autem, quem aut seditio extorsit, aut ambitus occupavit, etiamsi moribus atq; actibus non offendit, ipsius tamen initii sui est perniciosus exemplo, & vix bono peraguntur exitu, quæ malo sunt inchoata principio. Pertinet eī tota & integra Epistola Hincmari Archiepiscopi Remensis ad Clerum & populum Bellouacensem, quam refert Jacobus Sirmundus tom. 2. Concil. Gallic. pag. 641. ex quā simul discere licet, quæ eo tempore in Ecclesiæ Gallicanis obtinuerit ratio & forma eligendi.

IV. Præcipue autem notanda hic est elegantissima Leonis Imperatoris Constitutio in l. 31. C. de Episc. & Cler. quam propterea integrum adscribam. Idem (scil. Leo & Anthemius) A.A. Armasio Præfeto Prætorio. Si quenquam vel in hac regiâ Urbe, vel in ceteris provinciis, quæ toto Orbe diffusæ sunt, ad Episcopatus gradum provebi DEO auctore contigerit, puris hominum mentibus, nudâ electionis conscientiâ, sincero omnium judicio proferatur. Nemo gradum sacerdotii precii venalitate meretur, quantum quisq; mereatur, non quantum dare sufficiat, & stimetur. Profectò enim quis locus tutus & quæ causa esse poterit excusata, si veneranda DEI templa pecuniis expugnentur? quem murum integratatis, aut vallum fidei providebimus, si auri sacra famæ in penetralia veneranda proserpat? quid deniq; cautum esse poterit aut securum, si sanctitas incorrupta corrumpatur? Cesset altaribus imminere profanus ardor avaritiae, & à sacrâ adytis repellatur piaculare flagitium. Itaq; castus & humilis nostris temporibus eligatur Episcopus, ut quocunq; locorum pervaenerit, omnia vitæ propriæ integratæ purificet. Nec precio sed precibus ordinetur antistes. Tantum ab ambitu debet esse sepositus, ut quaratur cogendus, rogatus recedat, invitatus effugiat, sola illi suffragetur necessitas excusandi. Profectò enim indignus est sacerdotio, nisi

376 CAP. V. Electionem animo integro & incorrupto perfici,
nisi fuerit ordinatus invititus. cum sanè si quis hanc sanctam & venerandam antistitis se-
dem pecunie interventione subiisse, aut si quis, ut alterum ordinaret vel eligeret, ali-
quid accepisse detegitur, ad instar publici criminis & lèse majestatis, accusatione
præposita, a gradu sacerdotii retrahatur. nec hoc solùm deinceps honore privari, sed
perpetue quoq; infamie & damnari decernimus, ut eos, quos par facinus coquinat &
æquat, utrosq; similis pena comitetur. D. 8. id. Mart. Constantinop. Marciano &
Zenone Coss.

V. Non alia magis in jure Justinianeo eminet sanctio, quæ ambitio-
nem & avaritiam, vulgaria electionum vitia, reprimat & coercent, quam
ipsa hæc, ut à nobis proposita est. Digna ea est, quæ ab omnibus Studiosis
Theologis & Candidatis ministerii crebro ad animum & in memoriam re-
vocetur. Laudat eam Cardinalis Baronius ad ann. 469. num. 9. itemque
Johannes Sarisberiensis in *policrat. lib. 7. cap. 20.* & multo ante Photius Epi-
scopus Constantinopolitanus in *Nomocan. tit. 1. cap. 24.* ad quem tamen
hoc extat Theodori Balsamonis scholion, constitutionem istam non esse po-
sitam in Basilicis, atque ideo irritam factam fuisse. Id verò argumentum
est, compilatores *Βασιλικῶν* ideo omisssae eam, quod viderent, frustra ad-
hiberi ex illâ medicinam morbo huic seculo suo nimium inalescenti. Nec
deleri tamen propterea debuisset, cum utique ex vitiis ingravescientibus
tolli nequeat id, quod iustum & rectum est. Utiliter ea servatur in nostris
Ecclesiis & Rebuspublicis, & laudatur, pietas Leonis, quod Ecclesiæ DEI
misertus lege publicâ fancire voluit, quod diu ante per varia concilio-
rum decreta assertum, & multis Doctorum sententiis confirmatum fuit.
Nos verò ideo adscriptissimus totam, ut brevi eam commentario illustrare
liceat.

VI. Inscriptio quidem Leonis & Anthemii nomen præ se fert, sed re-
vera ab Leone solo constitutio hæc confecta & in partibus Orientis promul-
gata fuit. Ita enim usu invaluerat, ut cum plures eodem tempore, divisis
quamlibet Imperii partibus, imperarent, atque adeò quamlibet ab uno tan-
tum Imperatore revera scripta Lex esset, ex æquo tamen omnium nomina
præferret. Leo hic in Thraciâ natus, cum tribunus militum sub Marciano
antecessore suo fuisset, Imperator creatus est Asparis Gothi hominis fa-
ctione, qui inter patritios electus magnam in eo ordine autoritatem ad-
eptus erat. Is anno imperii sui undecimo, Christi 467. Anthemium Mar-
ciani generum in Occidentem misit, ut Romanis imperaret. Et hinc ista in
inscriptione societas. Esse autem constitutionem hanc Leoni, non vero
Anthemio adscribendam, in primis patet ex eo, quod Constantinopoli, quæ
sedes erat Orientis, Leonis imperio subiecti, scripta fuit, uti testatur sub-
scriptio, cum Anthemii regimèn intra limites Imperii Occidentalis coerci-
tum esset. Deinde verba illa, in hac regia Urbe, & hanc sanctam & veneran-
dam

dam *antistitis sedem*, satis arguunt Urbem & sedem Constantinopolitanam intelligi debere. Ipse etiam Armasius, ad quem constitutio hæc scripta fuit, præfecti prætorio officio non in Occidente, sed in Oriente functus est, ut mox dicam. Cæterum Leo Imperator hujus legis autor pietatis & religionis studiosissimus fuit, &c. ut habet Chronicon Alexandrinum, sub Olympiad. 311. acerrimè persecutus est Arianos Exocionitas, (Gr. ἐξωνείταις, sive potius ἐξωνεῖταις, vid. Jacob. Gothofred. *diss. ad Philostorg.* lib. 10. c. 3.) edictoque promulgato ubique vetuit illos habere Ecclesias, omnesque conuentus illorum penitus sustulit. Laudandaque in primis ejus constitutio in l. fin. C. de fer. quâ sanctitatem diei Dominicæ ab omni strepitū judiciali, ab omnibus ludis & spectaculis, & ab omni actione frivola atque profanâ custoditam esse voluit.

VII. Scripta est hæc Leonis constitutio ad Armatum præfectum prætorio. Baronius mavult legere Armatum, ductus procul dubio auctoritate Suidæ, qui *ἀρμάτον*, sive *ἀρμάτην* vocat. Johannes Glandorpius in *Onomastic. Rom.* putat, ipsum illum fuisse, qui, cum prius à partibus Basilisci stetisset, cuius scil. erat consobrinus, à Zenone Imperatore donis & pollicitationibus corruptus Basiliscum deseruit, & à Zenone tandem interfactus fuit. Promiserat Zeno inter alia, se, simulac imperium recuperasset, Armatum Magistrum præsentis militiae facturum, ut refert Autor Chronicus Alexandrinus sub Olympiad. 314. Ut adeò putem ex præfecto prætorio, si vera est lectio vulgaris constitutionis Leoninæ, factum eum sub Zenone magistrum militum, non quod superior ea dignitas esset, sed quod commodior fortè, & ingenio Armati magis congruens. Præfectum Urbi enim, & præfectum prætorio & magistros equitum ac peditum indiscretæ dignitatis fuisse, constat ex l. 1. C. de præf. præt. siv. Urb. lib. XII. Suidas Armatum hunc describit ut crudelem & effæminatum. Cede ejus, inquit, cives admodum sunt gavisi. Nam sub Leone quoscunq; Tbraces, qui seditionem moverant, cepisset, bos manibus amputatis dimiserat. Et porrò: Cum Basiliscus Imperator Harmato, ut cognato, liberum aditum ad Zenonidem uxorem permitteret, ac diutius consuetudo duraret, amboq; formâ insigni essent, deperire inter se cœperunt. Hinc oculos in se invicem conjiciebant & vultus subinde convertebant, & arridebant intersese. -- -- Cum autem Theodoricus videret, Harmatum ab omnibus colli, seque vinci ab adolescenti, qui capillos tantum, & alias corporis exercitationes curaret, indignabatur. At Harmatus cum auri affluentiâ, tunc honorum magnitudine inflatus, neminem sibi fortitudine prestatre putabat: ac tantum in eo vecordia valebat, ut Achillis habitu equo consenso in Hippodromo se jactaret. Quo magis autem eñ gloriole insaniâ teneretur, acclamationibus infimæ plebecula siebat, que Pyrrhum illum appellaret. Quod si eñ faciebat, quod rubicunda esset facie, recte dicebat. Sin ad laudem fortitudinis, deliniebat, ut

Bbb

adole-

VIII. Consultò abstinemus à prolixiore inscriptionis hujus examine, ne à scopo nostro dilabamur prorsus, & ab instituto nimium discedamus. Potius est ut videamus, quā ex ratione quāve occasione inductus Imperator constitutionem hanc ediderit. Dubium verò mihi non est, factum id ex suggestione Gennadii tūm temporis Episcopi Constantinopolitani. Celebaverat ille cum septuaginta tribus Episcopis in Urbe suā concilium provinciale, inque eo tum alia, de quibus acta perierunt, tum in primis de Simoniacis Episcoporum promotionibus egit oppidō prudenter & leverē. Superest èā de re Epistola Synodica, quam recitat Baronius ad ann. 459.
zum. 3. & Severinus Binius tom. 2 concil. p. 193. sed non nisi cum subscriptis nominibus quatuor Metropolitanorum. Plures autem subscriptissimè ex ipso contextu patet, quorum nomina cum ipsā epistolā recensentur in jure Græco-Rom. lib. 3. pag. 189. Nos aliqua, quae ad rem præsentem faciunt inde excerptemus. Præmittunt, damnari ejusmodi promotiones Simoniacas tūm per verba Scripturæ sacræ, tūm per canonem proximè habitæ Synodi Calchedonensis. Tūm pergunt: Quoniam tamen his ita aperte prohibitis, quidam sunt in Galatarum Ecclesiā deprehensi propter turpe lucrum & avaritiam hec salutaria & humana precepta negligere & transgredi, ea quoque ipsa nobis renovare visum est cum sanctā synodo, quae in hac regnante novā Romā nunc agit, ut sine omni penitus inventione & omni prætextu callidoq; commento, impianhanc & odiosam, quae nescio quomodo in sanctissimas Ecclesiās subiit, consuetudinem omnino exscindamus, ut cum pura & absq; ullā cauponatione eorum, qui ordinantur, renuntiatio ab antistitibus facta fuerit, gratia S. Spiritus supernè veniat. Quibus nescio an per pecuniam promotionem facientibus, & manu non pure operante, ad eum qui promovetur (secundum vocem Evangelii) & non potius contrahitur gratia Sancti Spiritus. Scito ergo religiosissime omni ex parte Vir, quicunque hujus convictus fuerit Episcopus vel Chorepiscopus, vel circuitor, vel presbyter, vel diaconus, vel quisvis alius ex canone, vel ex Laicis, communī Antistitum decreto, communī sententia condemnatum esse: sicut de hoc quoque sanctorum Patrum præcedens canon loquitur. Oportet enim gratiam semper esse gratiam & argentum apud eam nequaquam intercedere. Sit ergo & ab omni sacerdotali dignitate & ministerio alienus & anathematis execrationi subiectus, qui & se per pecunias acquirere eam existimat, & qui eam pecuniis præbere pollicetur &c. Legitur eadem epistola in Synodico Græco à Guilielmo Beveregio edito, tom. 2. pag. 181. sed ita ut dimidia ejus pars posterior pro Scholiis Balsamonis venditetur, cum sint ipsius epistolæ verba, quod etiam notat Baronius ad ann. 459. n. 4.

IX. Quo

IX. Quo anno Synodus hæc Constantinopolitana habita sit, non satis constat. Dicerem ego, eodem hoc anno, quo constitutio nostra edita est, hoc est, anno Christi 469. aut proximè antecedente eandem celebratam fuisse, ut scilicet lege publicâ confirmaretur, quod ab Episcopis in salutem Ecclesiæ decretum fuerat, nisi moveret & in diversam sententiam traheret epistola Leonis Episcopi Romani centesima ad Gennadium Episcopum CPnum scripta, quâ agit de Timotheo Alexandrinæ Ecclesiæ Episcopo, quod universorum Domini Sacerdotum sententiis Constantinopoli coarctatus fuerit. Nec tamen restituendum eum propterea asserit, quandoquidem, ut maximè orthodoxiam profiteatur, supersit tamen vitium, ejus promotioni adhærens, quod vivente Episcopo tantæ sedis invasor existat, atque idcirco statuit, alium aliquem ex Clero Alexandrino eligi debere Episcopum. Scripta est ea Leonis epistola 15. Kalend. Jul. Magno & Apollonio COSS. hoc est, anno Christi 460. Coactum igitur fuit Concilium istud, in quo comparuit Timotheus, vel circa initium anni istius 460. vel, ut Baronius & Binius statuunt, anno proximè præcedente 459. Et sic integrum ferè decennium intercedet decretum istud Concilii & Constitutionem Imperatoriam.

X. Posito hoc, summè laudanda est circumspæcta illa Gennadii *Propositio*, quod simulaque thronum Episcopalem descendit, (id quod factum post mortem Anatolii, anno nimirum CCCCLVIII.) Ecclesiæ suæ salutem commendatam sibi habuit, & quæ tūm ab hæreticis, tūm à Clericis vitiōse vocatis & ordinatis, inflicta erant vulnera, quâ potuit arte sanare secum constituerit. Convocavit igitur Synodus istam, majore nunc potestate subnixus, quam in Concilio Chalcedonensi paulo ante, anno scil. Christi CCCCLI. acceperat antecessor Anatolius. Convocavit, inquam, novo jure, cum antea per ἐρδημάτων Episcopos, non verò συναθροιστέντες, Episcopi CPni Synodos suas celebrassent, uti alibi dixi. Et quanquam huic malo medicina abunde parata esset per ipsum illud Concilium Chalcedonense, quippe quod *can. 2.* depositionis pœnam intentaverat, qui pretio ordinarent Episcopos, aliasve Clericos aut ministros in Ecclesiâ constituerent, putavit tamen Gennadius, repetendum id sibi esse in diœcesi suâ, ideo quod post prohibitionem istam Calchedonensem in Galatiâ, provinciâ sibi subjectâ, fraudibus & dolis adversus dictum canonem agi cœptum esset, datâ videlicet pecuniâ post ordinationem. Ideoque non explicat tantum & à pravis interpretationibus vindicat canonem Chalcedonensem, sed etiam pœnas in eo decretas intendit, injecto anathemate.

XI. Galatia Ponticæ olim, non Asianæ, ut quidam volunt, diœceseos provincia erat. Cumque adeò tres istæ diœceles, Asiana, Pontica & Thracia Constantinopolitano Patriarchæ subjicerentur, accepit ille *Propositio*

in omnes illas, & singulas earum partes, verè patriarchalem. In Galatia metropolis erat Ancyra, cuius Episcopus Anastasius in Concilio isto Gennadii præsens erat, qui & Epistolæ illi encyclicæ subscriptis. Et quanquam Paulus Apostolus Galatas amentes vocet *Gal. III, 1.* versutos tamen eos & callidos fuisse ipsum hoc eorum factum, quo per pravam interpretationem decretum Calchedonense eludere conati sunt, abunde ostendit. Quia enim in dicto canone constitutum fuerat, ne quis pro ordinatione aliquid daret aut acciperet, illi per sophisticas argutias inferebant, nequaquam prohibitum esse, ne quis daret vel acciperet quidquam post peractam ordinationem. Ergò ut sua canonis servetur integritas, præmittit Gennadius: *Simplex est & aperta hujus mandati (Christi scil. quod extat *Mattb. X, 8.*) ratio, que nihil habet varium, nihil quod non sit facile & explicatum, nihil quod Sophisticæ expositione indigeat.* Subjecto deinde canone Calchedonensi, pulcherrima, inquit, *& valde piis sunt hujus canonis sanctorum patrum prescepta, que omnem invasionem Satanicam, diabolicumq; conatum, qui in donum spirituale intenditur, repellit & rescindit.* Nullo modo enim vult ordinatis promotionem pecuniis aut fieri aut suscipi, nec ab eo, qui illam exercet, nec ab eo, qui ordinatis promotionem accipit. Sed nec ante tempus ordinatis, nec post dari pecunias concedit. Omnipotens enim in hac quoque re esse sordes, corruptionemq; munerum pronunciat. Tandem in verbis supra adductis pœnam adjicit anathematis, quisquis propter argentum vel dare vel accipere ordinationem velit.

XII. Praeiverat utriusque hujus Concilii decretis lege suâ Marcianus Imperator, qui simulatque regimen accepit, statim constituit, ne quis numerato precio ad magistratum promoveretur, uti testis est Theodosius Lector lib. I. hist. Eccl. Cumque etiam ab anterioribus Imperatoribus similes constitutiones circa officia secularia & palatina editæ fuissent, uti præ ceteris in Codice Theodosiano conspicua est lex I. ad L. Jul. de ambit. & in Codice Justinianeo lex fin. ad L. Jul. repetund. turpe putarunt Patres & Doctores Ecclesiæ, officia civilia tam sancte ab omni ambitu custodiri, non perinde vero custodiri officia Ecclesiastica. Divina enim ea cum sint & sancta, cavendum omnino est, ne quid committatur in eorum collatione, quo pollui & contaminari queant. Siquidem non est facile stare in loco Petri & Pauli, scilicet tenere cathedram regnantium cum Christo, quia hinc dicitur, non sanctorum filii sunt, qui tenent loca sanctorum, sed qui exercent opera eorum. c. non est, dist. 40.

XIII. Sed quam parum profecerit Gennadius suo illo decreto synodico, colligere licet ex constitutione Leonis Imperatoris subsecutâ, quam nunc explicamus, & quam sine dubio suggestionibus suis procuravit Gennadius. Aut vero, si quid profecit Gennadius, latius tamen & extra dicessin suam nulla ei erat potestas. Nec ergo prohibere potuit, quo minus in aliis

aliis dioecesis adjacentibus similes fraudes & argutiae adversus decretum Chalcedonense excogitarentur & ad effectum adducerentur. Unde sibi metuendum erat, ne exempla inde ex viciniâ peterent suæ dioecesisos subjecti Episcopi, & iisdem vitiis inficerentur iterum atque, in pristinas animorum pravitates reciderent, quos ut innoxios præstaret, tam sollicitè hactenus laboraverat. Ampliore igitur potestate opus erat, majore etiam & severiore coercitione, quam ut præstari à Viris Ecclesiasticis, quantæcunque illi dignitatis fuerint, propter eorum conditionem possent, præsertim cum non simplicium tantum Episcoporum Ecclesiarum, sed etiam ipsæ Patriarchales sedes affectæ vitio illo & corruptæ essent. Implorandus idcirco erat Imperator, qui sanctionem ab omnibus, non Episcopis tantum, sed metropolitanis etiam, & ipsis denique Patriarchis observandam conderet, qui que adeo potestate *αὐτοκατικῆ* prædictus esset, ut refractarios in ordinem redigere, & disciplinam Ecclesiasticam sanctam & inviolatam custodire posset.

XIV. Nec vero dubitavit Gennadius vel quisquam tunc temporis Episcoporum hos partes deferre Imperatori, ut etiam in Ecclesiasticis negotiis ipsi potestas esset, leges condere & promulgare. Acriter quidem propterea à quibusdam perstringitur Justinianus; sed ille jure suo sibi ex maiestate & summo imperio competente usus est, quo etiam Antecessores ejus usi fuerunt. Principibus in universum omnibus, qui *πόλεων* tenent in Rep. potestas legislatoria circa sacra de se competit, ut Principibus jure proprio, & ut sunt Rectores civitatis vel communilitatis suæ. Nec tantum ut confirment solum ea, & exequantur, quæ ab Episcopis in synodo decreta fuerunt, sed etiam, ut ipsi sine prævio Episcoporum synodali statuto novas condere possint leges antea nunquam nec promulgatas nec observatas. Quanquam non negem, utile esse, imò ferè necessarium, ut, antequam tale quid constituatur, præmittatur deliberatio cum Theologis, quippe qui in præparandâ materia constitutionis Ecclesiasticae suppeditare & suggerere optimè possunt, quid proficuum, quidve minus accommodum Ecclesiarum sit, ne quid statuatur forte, quod scandalum aliquod ex se pariat, quodve usui rerum inconveniens sit & adversum. Et sic igitur ad Episcopos spectabit, ut materiam legis disponant; ad Principem autem, qui caput est civium, ut autoritatem impertiat, & legis formam perficiat. Nec dubito, cum Gennadio primûm & quibusdam aliis Episcopis ab Leone Imperatore consultationem institutam & habitam fuisse, antequam constitutio ista, de qua nobis sermo est, promulgari cœpit.

XV. Fuit hæc eadem sententia Gregorii Magni, qui cum magno studio crimen hoc Simoniae extirpare conaretur, plurimis epistolis ad Franco-Rum Reges Childebertum, Theodebertum, & Theodoricum missis, eos com-

monuit, ut suo detungerentur officio, & Regia autoritate ab labore istam remunes Ecclesiæ præstarent. Idem censuit Concilium Parisiense VI. lib. 1. c. 11. Quæ etiam odibilis pestis primum necesse est, ut Imperiali auctoritate & potestate cum consensu venerabilium Sacerdotum (i. e. adhibitis in consilium Episcopis) à Romana Ecclesiâ amputetur Eccl. Noverant enim illi, ad principem spectare, suis ut legibus Episcopus coerceret, & publicis sanctionibus Ecclesiæ ab omni tali macula custodiret. Et ex hac potestate Henricus III. Imperator in Concilio ex Gallia & Germania Episcopis à se congregato editum proposuit, ut nullus gradus Clericorum vel ministerium Ecclesiasticum pretio aliquo conquereretur. Ac si quis dare aut accipere præsumeret, omni bono destitutus, anathemate multaretur, uti resert Glaber Rodulphus bish. lib. 5. cap. 5.

XVI. Viderat & observaverat Gennadius & cum eo Leo Imperator, quantis corruptelis obnoxiae fuissent hactenus plerique sedes Episcopales, & ipsa aliquando Ecclesia Constantinopolitana, quam tamen summe reverendam & Romanæ æqualem esse voluerunt Imperatores antecedentes. Ab ipsis vitiis ut cautum esset deinceps, & ne porrò tale quid contingere, quod sæpè hactenus magno cum Ecclesiæ detimento & cum summo Christianorum dedecore acciderat, placuit legem conscribere, ut fibulâ hâc injectâ, si non ex conscientiæ dictamine, saltem metu pœnæ, purâ atque integrâ mente electiones Episcoporum perficerentur. Multum autem jubarit interpretationem, si de statu Ecclesiarum Patriarchalium, in primis vero Constantinopolitanæ, cuius in specie meminit Legislator, qualiter se tum temporis habuerit, nonnulla hic inferamus, si prius hoc præmisimus, principaliter quidem suffragiorum emptione & venditione agere constitutionem, sed in eâ tamen simul in genere describi qualitatem electionis, ut ab omni vitio vacua dici queat. Et sic ad reliquias etiam corruptelas, quibus pessimè sæpenumero afflictæ fuerunt Ecclesiæ, in exemplis adducendis nobis erit respiciendum.

XVII. Quod igitur Ecclesiam Constantinopolitanam attinet, eam tum temporis gubernavit, uti dixi, Gennadius, antea ejusdem Ecclesiæ presbyter, Vir, ut videtur, integer vita, scelerisque purus. De eo tradit Philippus Cyprius ProtoNotarius Constantinopolitanus in *Chronico Ecclesiæ Grece*, quod adorandi gratiâ Hierosolymam profectus, quām revertetur, in Cypro Insulâ placide obdormiverit. Nec invenio sanè quicquam, quod reprehendi circa ejus electionem potuerit. Altum eâ de re apud Scriptores est silentium. Nec admisisset fortè Leo Imperator tale aliquid ex rebus gestis Antecessorum suorum edocitus, quantæ datæ olim fuerint turbæ. Sed nec ipse tam confidenter in Synodâ suâ condemnasset cauponiam, uti vocat ejus interpres, sacrorum munera, nec passus fortè fuisse,

ab

ab Imperatore eam publicā lege perstringi, si ipse ejus criminis reus fuisset. Non enim quis facilē comprobat legem, quā ſua ipsius vitia notantur, & ex quā reum ſe eſſe agnoscit.

XVIII. Gennadii antecessor fuit Anatolius, & huius Flavianus. Et de Flaviani quidem elecione nihil omnino notatum eſt à Scriptoribus rerum Ecclesiasticarum, quod reprehendi queat. Sed Anatolii promotio non usquequaq; probari potuit. Damnatus erat à Flaviano Eutyches presbyter & Archimandrita Constantinopolitanus in synodo illie habita anno CCCCXLVIII. & propter hæresin tuū sacerdotio, tum etiam administratione monasterii abſtinere jussus fuerat. Id cum indignè ferret, impetravit à Theodosio juniorē Imperatore, ope Chrysaphii Eunuchi, qui Flaviano infensus erat, & Principis ingenio abutebatur, ut nova Ephesi habetur Synodus, quam λησπικὸν ſive latrocinalem nominant, eo quod pleraque omnia per vim & tumultum in illā expedirentur. Utque ſibi prospere cederent Concilii illius decreta, obtinuit ab Imperatore porro per falsas ſug-geſtiones, ut Flavianus & qui cum eo facerent, pro reis haberentur, Conciilio autem ipſi præſideret Diοſcorus Episcopus Alexandrinus. Hic verò acri & vehementi quādam incitatione inflammatus non modo Eutychen communioni restituit, fed etiam Flavianum depositus, & in ejus locum Anatolum hunc, qui Constantinopoli hac̄tenus pro ſuis & Ecclesiæ Alexandrinæ negociis Reſponsalem egerat, ſubrogavit. An verò putabimus, recte ita ſe habuisse promotionem Anatolii, quod in Synodo peracta fuerit? Imo verò non unum ſubeft vitium, quod illam commaculavit. Primum enim non facta ea in loco ſedis vacantis, nec adhibitus consensus populi, quod utrumque requirunt canones. Deinde electio facta fuit in Synodo tali, in quā nulla libera erant luffragia, animi non soluti nec vacui, ſed omnia per vim & urgente manu militari agebantur. Hinc enim subſequetꝫ plerorumq; Epifcoporum, qui ſubſcriperant, in Concilio Chalcedonensi querelæ: Minabatur nobis damnatio: mine exiliū intendebantur: milites cum fūſib⁹ & gladiis instabant: Timebamus gladios & fūſes: ubi gladius & fūſes, qualis Synodus est &c. act. i. Tertiō ipſe etiam Flavianus iuſtē depositus fuerat, nec adeo dici ſedes vacans potuit. Non debuit autem, niſi ſede vacante, Episcopus eligi. Violentus enim verò & præcepſ atque crudelis fuit processus iſte, qui in Flavianum peragebatur. Sic enim docent Epifcoli Chalcedone poſtea congregati, d. act. i. Tunc Oneiphorus Episcopus Iconii tolleſ ſecum alias Epifcopos ſurrexit, & renuit genua ipſius Diοſcori dicens: Noli per vestigia reverentie veſtræ. Nihil dignum damnatione egit Flavianus: ſi autem reprebenſione dignus eſt, reprobendaſtur. Exſurgens de throno Diοſcorus, ſtans ſuper ſca- bellum ſuum, dixit: Etiamſi lingua mihi præcidatur, aliam vocem non emitto. Cumq; perſiſterent Epifcoli, tenentes genua ejus & rogantes eum, tunc emiſit Diοſcorus

384 CAP. V. Electionem animo integro & incorrupto perfici,
scorū hanc vocem: Ubi sunt Comites? Ingressi autem jūni Comites, & introdu-
xerant Proconsulem cum multitidine magnā & catenis. Propter quod unusquisq;
nostrum subscriptis. Quartō, suspicione non caret, quod Dioscorus apocrī-
fiarum seu Responsalem suum in Flaviani locum evexerit. Videtur enim
id fecisse propter merita & ex favore. At in electionibus talibus omnem
favorem exulare debere diximus supra. Quintō etiam id contaminavit hanc
Anatolii promotionem, quod Dioscorus veritus, ne Flavianus aliquando
restitueretur, illum vitā frui noluerit, sed per Barsumam Archimandritam
occidi curaverit. Quicquid enim per Barsumam perpetratum tūm fuit,
in Diocorum redundavit. Unde & Eusebius Dorylæi Episcopus illi totam
hanc tragediam adscripsit, dicens, *Flavianum à Diocoro pulsū & calci-
bus appetitum, miserabil modo interfecit* esse apud Evagrium lib. 2. c. 2.

XIX. Atque ita se habuit promotio Anatolii, quem proinde in com-
munionem recipere noluit Leo Episcopus Romanus, cuius in epist. 57. ad
Marcianum Augustum, hæc sunt de eo verba: *Anatolii Episcopi ordinatio-
nem, sicut scientia DEI testis est, suspectam, quod fatendum est, mibi fecerant con-
secrationis ejus autores, nec dissimilem ab eligentibus arbitrabar electum, secu-
tumq; est, ut dum à communione Apostolicæ sedis existeret alienus, diu dandis ad eum
epistolis pacis mee abstinerem* &c. Recepit tamen eundem, & quidem in-
tercedente Marciano Imperatore, ut patet ex epist. 54. Cæterum, quod
de Flaviano antecessore Anatolii dixi supra, ejus promotionem nullā labe
infectam fuisse, id multo illustrius fiet, si qualiter innocentia ejus tentata &
in periculum conjecta fuerit, Nicephori ex lib. 14. cap. 47. verbis referam:
*Erat hic, inquit, sacrorum donariorum magne Ecclesiæ Custos, dignitate presby-
ter, vitâ autem cœlesti præclarus. Creato itaq; Flaviano Episcopo Constantino-
politano, Chrysaphius Eunuchus, qui plurimum apud Theodosium Imperatorem va-
luit, cùm minus gratam haberet ejus ordinationem, suggestit Imperatori, ut Pa-
triarchæ significaret, Selectionis seu consecrationis gratia aliquod sibi benedictio-
nis loco mitteret munus. Cui S. Flavianus panes puros misit. Chrysaphius
contra, aurum loco benedictionis esse mittendum, contendit. Ille respondit, non
sibi esse talium rerum copiam, nisi forte ad hoc sacræ uteretur templi donariis; sa-
tisq; scire Chrysaphium, Ecclesiæ vasa DEO & pauperibus esse debita &c. Si-
milia refert Theophanes in Chron. & Evagrius lib. 2. cap. 2. Videtur vero
ex hoc Chrysaphii postulato natum deinceps honorarium istud, quod ab
Episcopis pro confirmatione non Gothorum tantum Regibus, sed ipsis
etiam Græcis Imperatoribus aliquando dari oportuit, & à quo Sedem Ro-
manam liberavit Constantinus Pogonatus, uti tradit Anastasius in vit.
Agathonis.*

XX. Nolo ex historiâ Episcoporum Constantinopolitanorum altius
repere, quæ ad rem præsentem faciunt. Transeo ad Ecclesiam Alexan-
drinam,

drinam, in quâ similis tragœdia agitata fuit. Quis fuerit Diοscorus ejus Ecclesiæ Episcopus, jam ante memoravi. Is autem cùm non desineret Eutychis doctrinam propugnare, & ex actis Synodi Ephesinæ II. pessimum & crudele ejus ingenium satis cognitum jam esset, in Concilio Chalcedonensi damnatus & anno CCCCLI. Gagram Paphlagoniæ civitatem abire jussus, imò militari manu perductus, & relegatus fuit. In ejus locum canonica, ut videtur, & legitimâ electione, quam describit Liberatus Archidiaconus in breviar. cap. 14. succedit Proterius. Quæ verò propter hanc ejus electionem fecutæ mox fuerint seditiones, discere licet ab Evagrio lib. 2. c. 5. adeò ut ipse Proterius militarem custodiam corpori suo adhibere coactus fuerit. Inde factum, ut Timotheus quidam cognomento Ælurus Dioscori partes secutus ab Ecclesiâ Alexandrinâ se segregaret, nec à Proterio revocari ullò modo posset. Mortuo autem Marciano Imperatore, qui Proterii partes sustinuerat, audacior factus Timotheus Proterium persequitur, ejusque locum occupat. Id verò, quâ ratione contigerit, audiamus Theodorum Lectorem ex lib. 1. hist. Eccl. hunc in modum verba facientem: *Timotheus auditâ Marciani morte adversus Proterium insurgit, eumque in baptisterio Ecclesie occidi & cadaver ejus per urbem trahi & incendio consumi curavit. Porro hic Timotheus Ælurus, antequam Proterius occideretur, præstigiis quibusdam ac machinamentis usus noctu cellas monachorum circuibat, singulos monachos nominatim appellans. Cumque is, qui nominatus erat, respondisset, ipse unum ex angelis se esse dicebat, ad hoc missum, ut singulis denunciaret, ne Proterio communicarent, sed ut Timotheum Ælarum Episcopum eligerent, semet ipsum cunctis manifestè designans.* Ad quem locum commentatur Henricus Valesius, videri sibi Timotheum ob hanc causam cognominatum Ælurum, id est, felis, quod instar felis seu Æluri noctu obambulare solitus esset.

XXI. Talis fuit Timothei hujus ad Episcopatum Alexandrinum promotio, cruenta scilicet & sanguinaria, sed & fraudulenta atque dolosa. Utve rei immanitas manifestius constet, adjiciam nonnulla ex epistolâ Ægyptiorum Episcoporum & Cleri Alexandrini ad Leonem Augustum, quæ extat inter epistolas pro Concilio Chalcedonensi tom. 2. Concil. fol. 146. Verba hæc sunt: *Tamen hi verò qui ab initio intentionem Timothei ad effectum perducere festinabant, neque in illis intemeratis locis eum salvari volentes, neque cultum loci metuentes, (dixerant ante, Proterium ad sacrum baptisterium se contulisse) nec tempus, cùm esset salutaris Pasche festivitas, nec ipsum sacerdotium pavescentes, quod est mediatio DEI & hominum, percusserunt inculpabilem Virum, eumque crudeliter occiderunt, etiam cùm aliis sex & circumducentes ejus ubique cadaver vulneratum crudeliterq; trahentes per omnia penè civitatis loca insensibile corpus plagiis sine misericordia verberabant, dividentes membratim eum, & neque interiora more canum gustare parcentes illius Viri, quem nuper b-*

CCC

bere

bere se media ore DEI & hominum putaverunt, tradentesq; reliquum ejus corpus igni, etiam despargebant ejus cineres in ventos, ferocitatem bestiarum omnium transcendentem. Horum siquidem omnium autor fuit & sapiens, si DEO placet, Architectus Timotheus, primò siquidem adulter, postea etiam homicida, penè manus propriis hoc nefas efficiens, & propterea condemnandus, quando agenti, qui jubet malum fieri, in suppicio proximus est.

XXII. Non diu tamen stetit Episcopatus hujus Æluri, quippe qui auctoritate Leonis Imperatoris dejectus alii cedere eundem coactus fuit. Restitutus tamen is post Leohis obitum veneno tandem extinctus est. Quæcum vicisitudines rerum in Ecclesiâ Alexandrinâ fuerint, non possunt minori compendio recenseri, quam in breviorio suo complexus est Liberatus cap. 15. & 16. Quo facto, inquit, scripsit Imperator Leo Duci Alexandrie Stile, ut pelleret quidem ab Episcopatu modis omnibus Timotheum, intbronizaret autem alium decreto populi, qui Synodam vindicaret. Jussione susceptâ Dux Stila fecit, quæ fuerant imperata. Et exilio relegatur Timotheus Ælurus Chersonam arcta custodia, & fit pro Proterio Timotheus, cognomento Salophaciolum sive Asbus. Hic Timotheus Catholicorum Episcopus, vixit quidem sine seditione quiete in Alexandrinâ Ecclesiâ omni tempore Leonis, & omni tempore Zenonis, donec Basiliscus arriperet tyrannidem, Zenone in Isauriam fugiente. Et cum Basiliscus tenuisset imperium, scripsit universo orbi sanctionem suam, quam appellavit Encycliam contra Chalcedonense Concilium. Tunc enim Basilisco reddente episcopatum Timotheo Æluro & hereticis sedibus suis restitutis, fugit Timotheus Catholicus in Canopi castellum & in monasterio latuit. -- Postquam igitur Imperator Zenon reversus est ad Imperium, Timotheus Ælurus metuens Zelum, quem habebat circa Chalcedonense Concilium, optavit sibi mortem. Et istud perseveranter orans, ab humana vita hausto veneno solutus est. -- Post cujus obitum ordinaverunt sibi heretici Episcopum Petrum, cognomento Moggum, qui vocatus est Blefus, qui fuerat Archidiaconus. Morabatur autem tunc Timotheus Catholicus, ut dictum est, in Canopo castello. Et cognoscens Zenon Imperator callidatatem hereticorum, scripsit Anthemio Augustali, ut Petrum quidem Sacerdotio privaret, Timotheum verò in Episcopatum reduceret, & autores intbronizati Petri puniret. Anthemius verò acceptâ Imperiali jussione expulit Sacerdotio Petrum tanquam adulterum, & contra leges Ecclesiæ Catholica factum, & in episcopalem sedem Timotheum Salophaciolum revocavit &c.

XXIII. Hæc fuit facies Ecclesiæ Alexandrinæ, cum Leo Imperator suam constitutionem ederet. Et Salophaciolum quidem Timotheus eam regebat tunc temporis primâ vice Æluro subrogatus. Neque vicisitudines istas mirabitur quisquam, qui secum consideraverit, quam proclivis fuerit populus Alexandrinus ad excitandas seditiones, quem sub hoc charactere describit Evagrius lib. 2. cap. 8. Non melior fuit status Ecclesiæ An-

Antiochenæ, in quâ Petrus Cnaphéus, Fullo communiter dictus, maximas circa hæc tempora excitavit turbas. Sederat in eâ jam inde ab anno CCCCLIX. Martyrius Episcopus; Sed ingentes à Petro Fullone passus ærumnas & contumelias Episcopatui tandem renunciavit. Facti seriem ita exponit Theodorus Lector lib. 1. Martyrio Antiochenis Ecclesiæ Episcopatum gerente, Zeno magister militum, qui Leonis Imperatoris filiam Ariadnen. Uxorem duxerat, Antiochiam venit. Erat in ejus comitatu Petrus quidam, cognomento Fullo, presbyter Ecclesiæ S. Basile martyris, que est Chalcedone. (Monachum eum fuisse, & propter perditissimos mores è monasterio ejectum, referunt alii.) Hic Sedis Antiochenæ cupiditate captus persuasit Zenoni, ut co-natus ipsius adjuvaret. Conduxit igitur quibusdam ex Apollinaris setâ, contra fidem & contra Martyrium Episcopum plurimos tumultus excitavit, anathemati subjiciens eos, qui non dicerent, DEU M crucifixum. Quam ob causam populum quoque inter se dissidere fecit. Addiderat enim trisagio hæc verba: Qui crucifixus es pro nobis. Martyrius cùm ad Imperatorem venisset, honorifice dimissus est, studio atque hortatu Gennadii. Reversus autem Antiochiam, cùm Antiochenes turbis ac seditionibus delectari & Zenonem iis favere animadverteret, Episcopatui renunciavit coram universâ Ecclesiâ, his verbis usus: Clero contumaci, & populo immorigero, & Ecclesiæ contaminatae renuncio, servatâ mibi Sacerdotii dignitate. Post abscessum Martyrii, Petrus in sedem Episcopalem tyranice invasit. Statimq; Johannem quendam, qui antea depositus fuerat, Episcopum Apamie ordinavit, quæ cùm didicisset Gennadius, cuncta Imperatori significavit. Imperator verò Petrum in exilium mitti jubet, qui cùm id præscisset, fugâ elapsus exilium devitavit. Ejus autem loco Julianus communi omnium consensu ad Episcopatum promotus est.

XXIV. Quibus annorum interstitiis hæc contigerint singula, difficile erit explicare. Probabile est, coepisse hanc Petri improbitatem, antequam constitutio Leonis ederetur, sed finiisse longo post tempore. Et rectè observant nonnulli, bis ab eo factam invasionem in sedem Episcopalem, alteram quidem anno CCCCLXIII. alteram autem, cum à Basilisco restitueretur, quod factum putant anno CCCCLXXXII. Quicquid hujus sit, sufficit nosse, circa ista tempora valde turbatam fuisse Ecclesiam Antiochenam, prementibus eam nefandis hæreticis, ita ut videretur esse facta omnium Orientalium hæreticorum illuc undique confluentium infelix errorum emporium, ut ait Baronius ad ann. 486. n. 3. Nec verò per dejectionem & remotionem Petri Fullonis cessarunt improbabæ & facinorosæ seditiones, sed exarserunt magis, & in barbaras lævitias eruperunt. Nam cum Stephanus Petro surrogatus, orthodoxus Episcopus unâ cum suis in magnâ Ecclesiâ sacram synaxin solenniter celebraret, Petri soboles Eutychiana conferto agmine, exsertis gladiis furentes ingressi, in DEI Sacer-

Ccc 2 dotes

dotes s̄eientes, eosdem crudelissimē trucidarunt, ipsumque Antistitem Stephanum, in quem præcipue odio astabant, ad necem usque atrocissimis tormentis confecerunt. Evagrius ex Johannis Rhetoris scriptis refert, Atheniensium pueros eum calamis instar telorum præacutis interfisse. lib. 3. cap. 10.

XXV. Ita scilicet docuimus, intra paucorum annorum spaciū circa tempora promulgatæ constitutionis Leoninæ pessimè affectas, & suorum Episcoporum cæde contaminatas fuisse tres præcipias in Orientis imperio sedes patriarchales. Utrum quarta, quæ tum temporis eminere cœpit, Hierosolymitana scil. tale nihil experta fuerit, dicere non habeo, quandoquidem obscura admodum ejus apparent vestigia apud Scriptores Ecclesiasticos. Qui enim Juvenali in patriarchalem statum noviter enecto, anno CCCCLVIII. succedit, Anastasius, & ad annum CCCCLXXVII. sedem obtinuit, quasi divinitus datus refertur à Cyrillo, si vera sunt, quæ ex eo refert Cardinalis Baronius ad ann. 458. num. 35. 36. Eādē ratione promotum fuisse Martyrium, Anastasi successorem, idem testis est ad ann. 477. num. 21. Nihilominus tamen adversus Anastasium ab hereticis Eutychianis in sedem Episcopalem constitutum fuisse Gerontium quendam Monachum. Metaphrastes autor est apud eundem Baronium ad ann. 476. num. 41.

XXVI. De Ecclesiâ Romanâ, quæ prima semper fuit inter patriarchales, nihil hic attinet dicere, cùm ut supra exposui, Leonis hæc sit constitutio, vi suâ, & quatenus à Leone edita & promulgata est, Occidentalis Imperii subditos haudquam obligans. Nec incusari forte poterunt Hilarii & Simplicii, qui tum temporis Ecclesiæ isti præfuerunt, electiones, quandoquidem Gothi primū sub Attalo, deinde Vandali duce Genferico Italianam & ipsam Urbem Romam miserrimè vastarunt & diripuerunt. Ita enim fieri solet, ut quoties calamitatibus publicis tempora insigniuntur, toties ad sanctitatem magis & justitiam inclinent actiones hominum, persisturæ in suâ malitiâ, si nulla à divino Numine exercendæ pietatis objiceretur materia. Sed quæ centum abhinc annis, & quod excurrit, excitatæ fuerunt seditiones, tam immanes sunt, ut penè fidem superent, & in perpetuum Romanæ Ecclesiæ opprobrium descriptæ inveniantur ab homine Gentili, Ammiano Marcellino, lib. 27. Damafus, inquit, & Ursinus supra humanum modum ad rapiendam Episcopalem sedem ardentes, scissis studiis afferimè conflickabantur, adusque mortis vulnerumq; discrimina adjumentis utriusq; progressis: quæ nec corrigere sufficiens Viventius (ex questore Palatii) nec molle, vi magnâ coactus fecessit in suburbanum: & in certatione superaverat Damafus, parte, quæ ei favebat, instantे. Constatq; in basilicâ Siccini, ubi ritus Christiani

Siani est concticulum, uno die centum triginta septem cadavera peremptorum: efferatamq; diu plebem agrè delimitam.

XXVII. Dum ita primariæ & per totum orbem terrarum celebrissimæ atque augustissimæ Ecclesiæ dolis, fraudibus, cædibus, seditionibus aliisq; pessimis corruptelis infectæ & contaminatae fuerunt, quid putabimus, Episcopales alias minores Ecclesiæ perpestas fuisse? In illis dum Imperatores ipsi, Præfecti Praetorio, & Præsides provinciarum commorati sunt, vix credi potest, tantas in eorum præsentia committi potuisse nequitias. Solet enim Principis præsentia venerationem quandam subditis imprimere, & improbas molitiones vel prævenire vel disjicere. At in seditionibus illis, quæ Ecclesiam attingunt, infirmiores sunt sæpè Principis vires, quam ut illis reprimendis pares esse queant, quod Zelo Religionis & pietatis velari & concitata multitudo conscientiæ libertatem obvertere soleat. Proprium sane humani ingenii est, virtia sectari sub nomine virtutum, consiliaque mala tegere sub specie boni. Et qui bella civilia movent, bonum semper publicum prætexunt. Ita & avaritia & dominandi libido, non minima causa est, cur Episcopalis dignitas tantâ cum contentione affectetur, & religio Christiana magno cum dedecore prostituatur. Nec unquam Satanus gravius laedit Christianam Reipublicam & Ecclesiæ salutem, quam quoties transfiguratus in angelum lucis, religionis fuso gloriosatur in publicam concordiam. Non dubito, inter istas, quas modo adduxi, Ecclesiastum Patriarchalium turbas, Diocorum, Anatolium, Timotheum Aelurum, Petrum Fullonem, & Gerontium, tam nummis, quam blanditiis circumvisisse & prehensisse populum æque ac patres, & suffragia sibi largitione devinxisse, quæ tamen nullâ re implicata, sed ab omni corruptelâ, & ab omni suspicione libera esse jusfit Ecclesia Apostolorum. Qui quidem ambitus in minoribus Ecclesiis & simplicibus Episcopatibus haud paulo frequentius exercitus fuisse videtur, quandoquidem suffragia à paucioribus ferri solita facilius emi potuerunt, nec opus tunc fuit tam operosâ ambitione. Ipso hoc seculo, quo constitutio Leonina prodiit, & fortasse paucis ante ejus editionem annis de Bituricensi Ecclesiâ conquestus est Apollinaris Sidonius lib. 7. epist. 5. quod viduata suo pontifice utriusq; professionis ordinibus ambiendi sacerdotit quoddam classicum cecinit. Et, inquit, nisi me immerito queri judicaretis dicere auderem, tam precipitis animi esse plerosq;, tamq; periculosi, ut sacrosanctam sedem dignitatemq; affectare precio oblatu non reformident: Et rem jamdudum in nundinam mitti auditionemq; potuisse, si quam paratus invenitur emptor, venditor tam desperatus inveniretur.

XXVIII. Cum itaque tam patriarchales, quam reliquæ Episcopales Ecclesiæ nundinatione hæc sacrâ admodum contaminatae essent, universal sanctione vitium istud ab sanctissimo ministerio resecare voluit Leo

390 CAP. V. *Electionem animo integro & incorrupto perfici,*
Imperator. *Siquenquam, inquit, vel in hac regia Urbe, vel in ceteris*
provinciis, quæ toto Orbe diffusæ sunt ad Episcopatūs gradum pro-vehī
DEO auctore contigerit Sc. Urbem regiam appellat Constantinopolin suam, quam & Justinianus hoc nomine dignatur in l. 1. §. 10. C. de vet. jur. encl. Constantinus verò æterno se nomine donasse ait in l. 7. C. Theod. de navicul. an quod Constantinopolin de suo nomine vocari voluerit? an quod novam Romanam dici voluerit? an quod æternum nomen, id est famam ei donaverit? Secundum istud eligendum putat Jacobus Gothofredus ad d. l. 7. Verè autem Regia Urbs dici potuit, quippe quam non tantum splendidis palatiis & ædificiis ornavit Constantinus, sed etiam infinito civium numero replevit, adeò, ut Eunapius in Sopatri vitâ scribat: *Nostrâ autem etate nec onerarie naves ex Ægypto, nec frumenti copiâ ex universâ Asîa, Syriâ ac Pœnlice ac reliquis provinciis tributi nomine illata, explere vallet ac satiare temulentam populi multitudinem, quam Constantinus ceteris Urbibus vacue factis Bysantium transportavit Sc.* Et hinc meritò alma Urbs dicta fuit Justiniano in l. un. C. negoc. ne mil. lib. XII. non quidem quod speciali *ægropoli* eam ita appellari voluit Constantinus, uti putat Philostorgius lib. 2. cap. 9. sed quod plurimos alat cives & incolas, & populosisima atq; hinc inclyta sit.

XXIX. Præter regiam Urbem etiam ceteras provincias, quæ toto orbe diffusæ sunt, comprehensas hâc lege voluit Imperator. Quomodo autem id fieri potuit? cum, ut supra dixi, Leonis Imperium ad totum terrarum Orbem nunquam productum, sed limitatum fuit intra provincias ad Orientem spectantes. Explicandum verò id est per restrictionem ad limites istos, quibus Imperium Orientale contentum fuit. Quâ ratione in frequenti usû fuit Latinis, ut appellarent orbem, orbis portionem, & Imperatores hinc, se mundi Dominos dixerunt. Sed & repetita forte & in Occidentis etiam Imperio ab Anthemio promulgata fuit similis constitutio, ut adeò veluti per consensum totum, quâ patuit, Imperium Romanum, tam Orientale, quam Occidentale, Lege hâc obligatum fuerit. Easdem enim in utroque Imperio publicatas aliquando fuisse constitutiones, appareat ex l. omnes omnino 11. & l. bi qui scævi 19. cum l. seq. Cod. Theod. de heret. item ex l. clarissimos 2. & l. proximos 4. C. Th. de proxim. Comit. Disposit. maximè verò & clarissimè ex l. Montanistas 48. C. Th. de heret. Accedit, quod constitutionis hujus vis obligandi non ex simplici Legislatoris voluntate suam habeat originem, sed morale aliquod & tale quidem contineat, quod ante omnem Principis jussum ipsâ conscientiâ dictante turpem ejusmodi ambitum & prohibitum ostendit. Potuerunt ergò etiam illi, qui Leonis imperio subjecti non fuerunt, ex lectione hujus constitutionis suam excutere

con-

conscientiam, & animum suum ita instruere, ut ne quid agatur deinceps, quod legitimam impedire posit vocationem, & turpi macula eam contamineat.

XXX. Etsi autem de Episcopali tantum dignitate agat Imperator, eamque legitimam & ab omni corruptela liberam esse velit, justè tamen interpretatione hujus constitutionis extenditur ad inferiores ministerii Ecclesiastici gradus. *Gradus*, inquam, qui ita dicuntur à similitudine scalarum locorumve proclivium, quos ita ingredimur, ut à proximo in proximum, id est, in eum, qui quasi ex eo nascitur, transeamus. *I. 10. §. 10. ff. de gradib.* Quā ratione etiam Episcopatus gradus dicitur Leonī in hoc textu, quod gradatim ad hanc dignitatem ascendere debeat, & hæc ipsa dignitas talis gradus sit, ex quo altius ascendit ad dignitatem metropoliticam & patriarchalem. Promotiones enim per saltum prohibent canones, nec volunt sacros ordines aliter, nisi per intervalla, conferri. Quin ipse etiam Justinianus novell. 6. cap. 1. gradatim fieri ad Episcopatum debere ad censum voluit: *Neg. enim, inquit, idiota, ex iis qui vocantur Laici existens, ita mox ad Episcopatum ascendat: nec imaginariam suscipiat ordinationem, tanquam modo quidem idiota, mox autem clericus, deinde parvum aliquid tempus præteriens, Episcopus adpareat.* Ex eadē Justiniani novellā constat, non sine fundamento ad inferiores etiam ministerii Ecclesiastici gradus per interpretationem extendi dispositionem constitutionis Leoninæ. Sic enim dicitur ibidem cap. 4. Literas ignorantes omnino nolumus neq; unum ordinem suscipere, clericorum videlicet presbyterorum, & diaconorum, tam sacras orationes docentium, quam Ecclesiarum & canonum legentium libros: ordinationem sine querela & inculpabilem, & sine aliquâ contradictione & datione pecuniarium aut rerum suscipientes. Solorum autem Episcopatum mentionem facit Imperator ideo, quod gravius in illis adpetendis peccat, & inordinata eorum cupiditas magis in oculos incurrat. Omne enim vitium tanto conspectius est in se, quanto major, qui peccat, habetur.

XXXI. Ceterū recte *DEO audi* adscribit Imperator collationem Episcopatus, quandoquidem, ut alibi exposui, sacra hæc officia à DEO immediate proveniunt, nec quicquam hic conferunt eligentes, nisi quod DEUS illis utatur, veluti instrumentis ad designandam personam Episcopatui aptam, & hanc ipsam designationem ita dirigit DEUS, ut aut influat ipse & concurrat, si justè aut legitimè procedatur, aut permittat, si suffragia corrupta sint & inquinata. Ut enim, quæ cum pietate & justitia instituitur electio, DEUM ipsum autorem & consultorem habet: ita referri ad ejus autoritatem nequit, quæ perperam suscipitur & animis minime sinceris. Atq; ita distinguunt qui cum Gennadio Patriarchâ Constantinopolitano epistolam encyclicam ex Synodo conscriperunt: *Ut cum para*

*S*absq; ultā cūponatione, eorum qui ordinantur, renunciatio ab Antīstitibus fāta fuerit, grātia sancti Spiritū supernē veniat. Quib; nescio, an per pecuniam promotionem facientibus, *&* manu non purē operante ad eum, qui promovetur, accedit, secundum vōcēm Evangelii, *&* non potius contrahitur grātia sancti Spiritū.

XXXII. Ut igitur DEO auctore promotio ad Episcopatum fiat, requirit Imperator, ut *puris hominum mentibus, nuda electionis conscientia sincero omnium iudicio proferatur*. *Puras mentes* exigit, hoc est ab omni præsumptione & affectu liberas. Purum enim dicitur, cui nihil admixtum est, nihil superadditum. Estque vocabulum id valde frequens in Jurisconsultorum Scholis, quibus pura charta dicitur charta non scripta: pura lanx, quæ cœlata non est: pura obligatio, quæ neque diem neque conditionem habet: pura substantia, à quā deductum est *ex* alienum: purum iudicium, cui nulla addita est exceptio: purus honor, qui est extra administrationem: purus locus, cui nihil est inædificatum. Sic & apud Scriptores historiæ Augustæ leguntur *pure linea*, quæ nil intextum habent, apud Vopiscum: *pura vexilla* apud eundem: *pura mantelia*, apud Spartanum: *pura scuta*, apud Virgilium: *pura toga*, apud Ciceronem & alios. Pariter ergo puræ hominum mentes in promotionibus Episcoporum sunt, quibus nihil aliunde additum est, quod eas contaminet, quæ ab omni labe avaritiæ, ab omnibus fôrdibus, ab omni deniq; pravo affectu, sive odium is fuerit, sive favor nimius, vacuæ sunt. *Nudam electionis conscientiam* admittit Imperator, h.e. solam notitiam, actum talem nunc institui, ut eligatur Episcopus, & electionem hinc fieri debere sine præjudicio, sine aliquâ præsumptione, sine suffragio domi constituto & promisso, sine præconceptâ aliquâ sententiâ & ut ille, qui elit, hoc tantum sciatis, quis & qualis sit ille, de quo eligendo agitur. Ideo enim addit Imperator, *sincerum* debere esse omnium iudicium, h.e. ab omni squalore & impuritate defæcatum, ut solet esse mel, quod sine cerâ est. Sincerè autem agit ille, qui nihil occultat, nihil dissimulat, nihil alteri indulget, genuinè & sine fraude negocium curat. Ex his vero verbis, quia generalia sunt, rectè colligitur, non *φιλαργυρία* tantum & pecuniæ interventionem prohibitam esse ab Imperatore, sed omne in universum hominis factum, quod quoquo modo contaminare & vitiosam reddere queat electionem.

XXXIII. Dehinc verò descendit Imperator in specie ad nundinacionem istam, quâ suffragiorum celebratur emptio & venditio. Ut hæc, quæ deinceps sequuntur, percipi queant rectius, juvat ipsum vitium, quâ occasione coepit, & in quo consistat, penitus intueri. Quâ occasione id primum irrepserit, intelligi poterit ex verbis Petri Svavis in *bij. Concil. Trid.*

Trid. lib. 6. quæ non pigebit hic adscribere. Tertii, inquit, articuli proponendi
hęc fuit occasio, quod præceptum Christi de gratiis spiritualibus liberali manu ac
gratis donandis, sicut gratis fuerunt acceptae, in conferendis ordinibus diversimode
violaretur. Neque recens erat hic abusus, sed seculis anteactis magis invaluerat.
Etenim in Christiane religionis cunabulis abundante charitate, populus, qui à
Christi ministris spiritualia accipiebat, non modo juxta DEI præceptum à D. Paulo
explicatum paria faciebat, quæ ad victimum necessaria essent, supeditando, sed adeò
copiosè ministrando, ut ad pauperes sublevandos etiam superesset: Sic tamen ut
nullius subiret mentem ea cogitatio, temporale quod dabatur, pretium esse doni
spiritualis. Sed postquam temporale, quod in communi asservabatur & posside-
batur, cœptum est dividi, & redditus certus, appellatione beneficii, titulis appli-
cari, cum bucusq; distincti non esset ordinatio à collatione tituli, ac proinde bene-
ficii titulo annexi, sed una darentur & acciperentur, tunc primum visum est ordi-
natoribus propter emolumenta, quæ ordinatis inde proveniunt, præter spirituale
etiam temporale aliquid dari, cuius intuitu in remunerationem temporale quid-
dam sumi possit. Cui verò propositum erat beneficium impetrare, is se se ad vo-
luntatem dantis accommodare necesse habebat. Inde secuta negotiatio aperta,
qua in Orientali Ecclesiā ne multis quidem canonibus ac censuris emendari unquam
potuit, utcunq; præpotens DEI manus emolumentorum magna parte Saracenorum
flagello sublata, eam valde imminuerit &c. Indescil. nata est immensa illa &
infinita πλεονέξια; nec enim profecto, si annexi non essent beneficiis Ec-
clesiasticis opimi isti redditus, existeret facilè quisquam, qui illa ad pateretur.
Inde vero factum porro, ut sicut primis Ecclesiæ temporibus, personæ, quæ
Ecclesiæ necessitatibus inservirent, eligebantur: sic decursu temporis gradus
dignitatis, sive emolumentum potius, personæ qualitati fuerint adaptata.
Privilegia, territoria, redditus amplissimi, dignitates & honores penè di-
vini, & tot hominum devota subjectio, quibus superbiebant Episcopi, ap-
petitum Ecclesiasticon sic exacuere, ut dies noctesq; in illud unum in-
cumberent, quomodo ad culmen istius dignitatis adscendere liceret. Salsè
istos tales perstringit Bernhardus Abbas Claravallensis in declam. super
illud: *Ecce nos reliquimus &c.* Festina multiplicare præbendas, inde ad Archi-
diaconatum evola, demum adspira ad Episcopatum, ne ibi quidem requiem habitu-
rus, quia sic itur ad astra. Quò progrederis miser? Quamdiu enim Ecclesiæ
ministeria suam primævam retinuere simplicitatem, spreta à Magnatibus
jacuere, non ea obierunt nisi qui Zelo DEI in animarum salute curanda du-
cebantur; postquam verò splendidis palatiis, patrimonio admodum opimo, pompa mundanâ quasi coruscabant, quisque ea prensabat, non tam ut
gregem curaret, quam ut haberet, unde luxuriaretur, unde ditesceret.

XXXIV. Crimen ipsum, de quo agendum nobis est, communiter
dici solet Simonia, à Simone Mago, qui primus in N. T. scelus hoc admi-

Ddd

fit.

fit. *aut. VIII, 18. seq.* quando nempe quis interius propositum habet, atque voluntatem deliberatam, vendendi, vel emendi rem aliquam spiritualem vel annexam spirituali. Spiritualium rerum plurimas faciunt species Canonistæ, ut videre licet apud Guilielmum Redoanum *de Simonia* part. 1. cap. 4. quæ tamen fere ad hæc summa capita redigi possunt; quod aut propriè & essentialiter sint spirituales, ut est gratia DEI, virtutes divinæ &c. aut causaliter sive instrumentaliter, ut sunt Sacra menta, quæ quasi vehiculum sunt gratiæ divinæ. Sed & illæ, quæ annexæ sunt spiritualibus, diversimodè se habent. Cùm enim temporalitatem quandam, ut loquuntur, in se contineant, observare licet, in quibusdam temporalitatē, in aliis verò spiritualitatē prævalere. Sufficit verò ex eorum sententiâ, temporale quod inest, ad spirituale ordinatum esse. Quapropter, et si quis redditus, qui ministerio Ecclesiastico annexi sunt, principaliter adpetat, & propter redditus istos, non propter ministerium ipsum, suffragatori suo aliquid det; quia tamen redditus isti ad ministerium destinati sunt, eique ita conjuncti, ut sine hoc nulli concedantur, ministerium autem in prædicatione verbi, remissione peccatorum, & aliis rebus spiritualibus consistat, facile hinc colligitur, id, quod ita propter impetrationem redditum datur, ad ipsas res spirituales, quæ per ministerium Ecclesiasticum expediuntur, porrigi, & sic eas per indirectum vendi.

XXXV. Cùm verò ex munere dato vel promisso Simoniam æstiment Canonistæ, munus istud triplex faciunt, & hinc triplicem etiam Simoniam. Nempe, qui spiritualia tribuit, debet ex præscripto divino manus suas ab omni munere puras habere. Id verò tūm demum fieri intelligitur, quando pro divinis rebus non solum pecunia nulla, sed nec humanum obsequium, aut gratia nulla offertur aut accipitur. Aliud igitur munus eis dicitur esse à manu, aliud à lingua, aliud ab obsequio. Sub munere à manu intelligi volunt pecuniam, & sub hâc, omnes res temporales precio æstimabiles, etiam remissionem debiti. Sub munere à lingua comprehendunt laudem, vituperium alterius competitoris, patrocinium advocati, intercessionem & commendationem apud Principem, si talia promissa aut petita fuerint. Sub munere ab obsequio contineri dicunt, si ministerium aliquod in rebus temporalibus præstetur, imò etiam si convenit, ut præstetur in spiritualibus. Fieri tamen potest, ut omnes istiusmodi species, saltem interpretativè, ut loquuntur, concurrant. Sic enim explicavit Goffridus Abbas Vindocinensis promissiones, quas pro consecratione sub nomine professionis Abbates facere solebant Episcopis, in speciali de istis tractatu. Sunt, inquit, quidam Episcopi, qui pro benedictionibus Abbatum sub nomine professionis ab eis exigunt, quod est Christianæ professioni valde contrarium. — Ita neque veritate neque auctoritate inventa, sed consuetudine & hominum cupi-

cupiditate reperta triplici genere Simonie contra sanctam Ecclesiam jaculatur, quoniam Simonia à lingua, Simonia à manu, Simonia ab obsequio ibi committitur. Est à lingua, cum publicè recitatur illa promissio. Fit à manu, quando charta, quā continetur scripta ponitur super altare. Fit ab obsequio, cum ipsum male promissum subjectionis obsequium servatur &c.

XXXVI. Et sic quidem ratione objecti Simonia distingui solet. Ratione modi dividitur porrò, quod alia sit realis, alia conventionalis, & alia mentalis. Primam describunt, quod sit collatio & acceptio spiritualium non gratuita. Secunda solā absolvitur conventione nullā adhuc fecutā aut interveniente rei traditione. Sic enim statuunt, Simoniam committi non solum recipiendo actualiter temporale pro spirituali, sed etiam recipiendo solum obligationem temporalitatis. Quanquam fint inter hodier nos morum informatores, qui statuunt, conventionalem Simoniam nudam, sive promisionem absque animo tradendi vel se obligandi ad rem ipsam tradendam, non esse verē Simoniam, sed fictam tantum. Quā subtilitate ultra Simoniam mente conceptam & conventione mutuā adprobata, etiam decipere licebit alterū, & sic cumulare delicta, ne verē Simoniae crimen incurritur. Hinc autem sequitur, quod etiam disertis verbis statuunt nonnulli, tertiam speciem, quā mentalis Simonia dicitur, non esse proprię Simoniam jure Ecclesiastico prohibitam, quanquam negare nolint, esse peccatum in DEUM. Quibus id tantum concedi poterit, quod non posit puniri ejusmodi species in foro externo, cùm in hoc cogitationis pœnam nemo patiatur. Et propterea sufficit, eam expiari per pœnitentiam coram DEO, c. 34. & c. ult. X. de Simon.

XXXVII. Quibus ita expositis audiamus nunc Imperatorem porrò: *Nemo, inquit, gradum Sacerdotii precii venalitate mercetur: quantum quisq; mereatur, non quantum dare sufficiat, æstimetur.* Describit Simoniam, eamque non prohibet tantum, sed etiam, ut eō fortius excludat, contraria præcipit virtutem. *Pretii venalitate gradum Sacerdotii mercari, nihil aliud est, quā emere rem spiritualem aut spirituali annum.* Nec tamen vel emptionis vel precii vocabulum tam strictè accipendum est, ut præter emptionis & venditionis contractum reliquos circa sacerdotium impetrandum licitos esse putemus, ac si Simonia tantum per emptionem & venditionem committatur. Cūm utique Sacerdotium plane sit extra commercium, nec adeò objectum emptionis venditionis & cujuscunq; alterius contractus habile. Et quanquam statuant Jcti in proprietate vocabulorum tenacissimi, emptionis verbo non contineri omnes contractus, per quos fit alienatio; largiuntur tamen, & admittunt exceptionem, si mens loquentis aliud ivadeat. Quo casu emptionis vocabulum

396 CAP. V. *Electionem animo integro & incorrupto perfici,*

latius interpretantur, uti videre licet in l. 29. §. 1. ff. ac plauib. l. 23. §. 1. ff. de liberali cauf. l. 8. §. 11. ff. quib. mod. pign. solv. Simili modo mercandi vocabulo utuntur Latini, quod suâ naturâ idem quod emere significat, & ne scio annon magis proprium sit & commodius ad eam alienationem, quæ precio fit, inquit Franciscus Connarus lib. 7. comment. cap. 6. n. 1. Sed & ex aliis bonis autoribus constat, emptionis vocabulum largius quandoque sumi, neque precium propriè ita dictum semper exigere. Quo significatu dixit Virgilius lib. 9. *Aeneid.* & istum qui vitâ bene credit emi, quò tendis honorem. Et Plautus in *Asinari.* act. 1. scen. 1. Et beneficiis me emere gnatum suum fibi. Sic & precii vocabulum extra emptionis contractum sàpè numero usurpat, uti videri potest in l. 28. §. 1. ff. locat. l. 10. §. f. de acq. vel am. poss. l. ult. §. ult. ff. de L. Rhod. de jact. l. 52. §. 2. ff. pro soc. l. f. §. ult. ff. de injur. Quo significatu usus etiam & Livius lib. 52. aut satis dignum tanti laboris periculig. precium erat. Et Vopiscus in *Aurel.* Debet enim quid præter dignitatem precium esse meritorum &c. Sub crassiore igitur specie, quâ per pecuniam numeratam sacerdotia comparantur, quæque tum temporis forte frequentissima fuit, prohibere voluit Imperator reliquas species omnes, quibus pollui & contaminari potuit electionis & promotionis actus.

XXXVIII. Et ne quis putet, ad solum Episcopatum restringi hoc crimine debere, neque committi alias, nisi quando aliquis ad Episcopalem sedem promoveri cupit, Imperator quasi per digressionem aliquam, (cum de Episcopatu & incipiat & finiat constitutio,) de *Sacerdotio* in genere verba facere instituit. Etsi enim non negem, Sacerdotis vocabulum in constitutionibus Imperatorum sàpè non aliis, quam Episcopis tribui, protulat latius alias explicavi; Hic tamen sacerdotium non adeò stricte accipi debere, ipsa dispositio & contextus series in verbis sequentibus ostendit. Veneranda enim DEI templo aequæ pecuniis expugnantur: murus integratæ & vallum fidei aequæ destruitur & veneranda penetralia violantur: sanctitas incorrupta aequæ corruptitur; altaribus aequæ imminet profanus ardor avaritiae, si reliqui Ecclesiæ ministri, qui altari inserviunt, per corrupta suffragia eliguntur, atque si Episcopus promovendus fuerit. Est verò hoc solenne admodum & valde usitatum in canonibus conciliorum, ut presbyteri & Episcopi indistinctè Sacerdotes vocentur, & Levitis atque ministris immediate opponantur. Ipso hoc seculo V. quo Constitutio hæc promulgata fuit, anno CCCXLVI. in Concilio Turonensi I. c. 1. & 2. Sacerdotes & ministri, itemque Sacerdotes & Levitæ h. e. diaconi, leofsim ponuntur. Plura alia exempla magno studio collegit David Blondelius apol. de Episc. & presb. sett. 3. pag. 135. Quocirca, non obstante, quod de Episcoporum electione specialiter agat Imperator, dubium mihi non est, voluisse eum suo inservire scopo, & de aliis etiam Ecclesiæ ministeriis incideret

denter commemorare, quanta in illis turpitudo committatur, ut hâc ratione, quæ circa Episcopatum committitur, nundinatio propudiosa magis & magis flagitiosa adpareret.

XXXIX. Postquam ita perversum officiorum Ecclesiasticorum mercaturam prohibitam esse voluit, mox addit, quâ ratione electio Episcopi fieri debeat, ne crimine isto polluatur, eamque describit non per assertiōnem tantum, quid observari in eâ debeat, sed etiam per exclusionem ejus, quod abesse debet, & à quo caveri oporteat. *Quantum quisq; mereatur,* inquit, *non quantum dare sufficiat, æstimetur.* Tacitè perstringit mores seculi, quos ad sua usque tempora productos eleganter describit Nicolaus de Clemangiis. *tr. de presul. Simoniac.* Optat quis præbendam, aut præposituram, aliumve gradum dignitatis? nihil refert, cujus meriti, vita aut conversationis existat, sed quantum ipse suâ nummorum servat in arcâ, tantum licet fibi sphei in votorum affectione concipere. Nam quid de pauperibus loqui necesse est, qui ad omnia prorsus inutiles, nec ullo digni regimine existimantur, nisi ut abjecti, & despicabiles in suis jugiter eruminis tabescant? Quid vacuo pauper marsupio ad nundinas eat, qui nihil habet, unde merces emat? Et tamen constat beneficia Ecclesiastica propter pauperes potissimum beneque meritos homines instituta, non propter divites aut pecuniosos, sed nostra aurea tempora nihil nisi aurum situnt, cuncta auro atq; argento metiuntur. Aurea dixerim non moribus, sicut Poëte sub Saturno fabulantur, sed auri quomodo libet extorquendi immanissimis, insanissimis, inexplicabilissimis ardoribus. Non potuisset quid dici magis conveniens verbis Imperatoris, qui, ut corrigeret mores seculi sui, non marsupium & facultates ejus aut fortunas attendi voluit, qui ad Episcopatum evehi debet, sed merita; non ea tamen, quæ ex liberalitate aut beneficentiâ proveniunt, quæque ita in Simoniam incident, sed quæ habilitatem & capacitatem Candidati indicant, quâ le dignum ostendit ad munus Ecclesiasticum. Ista habilitas & dignitas unde & quâ ratione æstimari debeat, repetere hic nostrum non fert institutum, neque id exigit Constitutio Imperatoria.

XL. Quæ deinceps sequuntur verba, ab Oratore magis, quam ab Legislatore profecta videntur. Tam copiosè enim, nec propriè, sed per figuram rhetoricam de criminis Simoniae differit Imperator, ut dubitem, ad palatum id fieri eorum, qui brevitatem & perspicuitatem inter virtutes legis referunt. Sed opus tamen fuit istâ *πιακούλησις*, ut detestabile & execrandum magis redderetur, quod frequens admodum tûm temporis erat, flagitium istud. Inde enim propter atrocitatem *piaculare* id appellat, hoc est quod per expiationem tollere oportet, quod tota posteritas lucere solet, ut credebant veteres, donec esset expiatum. Sic apud Herodotum lib. 6. *επι τῷ ἀγρῷ εἰνέχεσθαι*, id est, piaculari crimen teneri: & hinc *πιακούλησις*, detestandi &

execrables. Sic & piacularia tristia dicebantur, per quæ malum fieri opinabantur. Et piacularia auspicia, quæ sacrificantibus tristia portendebant, cum aut hostia ab arâ profugisset, aut percussa mugitum dedisset, aut in aliam partem corporis quam oporteret, cecidisset. Est ea vox ex Gentilium superstitione translata. Piaculum enim admittere, aut contrahere dicebatur, qui violaret religionem. Piando quippe sceleri sacrificium præstare, qui violasset, cogebatur jure Pontificali, quod & ipsum sacrificium piaculum dictumpercâ præcidaneâ fiebat, piaculo scilicet avertendo & expiando. Id vocabulum Imperatores in Constitutionibus suis usurparunt ad denotandam atrocitatem delicti. Si quis e. g. infanticidium commiserit, l. 8. C. ad L. Cornel. de siccari. aut sepulchrum violaverit, quod proximum sacrilegio dicitur, l. 5. C. de sepulchr. viol. aut baptismum iteraverit, l. 2. C. ne sanct. baptism. iteret. Et sic etiam piacularia flagitium committere, dicitur ille, qui sacrum ministerium precio emerit.

XLI. Cæterum quia tam verecunda est metaphora ab Imperatore usurpata, ut optimè rei, de quâ agit, conveniat, nec terminos similitudinis egrediatur, lequemur eum ξ̄ πίδα, & infistemus ulteriori expositioni. Profetò enim, inquit, quis locus tutus, & quæ causa esse poterit excusata, si veneranda DEI templa pecuniis expugnentur? Figuratâ interrogatio-
ne utitur, & dum rectâ oratione uti poterat, sermonem inflectit, ad magis asseverandum, & eo fortius imprimendam foeditatem criminis, nullum inferens locum tutum esse, nec ullam excusatajn esse causam, si ita, ut fieri haec tenus consuevit, procedatur in electione Sacerdotum. Præmittit ad exaggerandam rei turpitudinem, jurantis aut saltem asseverantis vocem, profetò, quæ interdum idem denotat, quod δηλονό̄, δηλαδή, haud dubiè, omnino &c. ut dubitare amplius de assertione suâ non liceat. Deducit autem metaphoram ex similitudine, quam habet sanctitas religionis & cultus divinus cum castello & fortalitio bene munito, ita, ut comparari hinc possit ministerium Ecclesiasticum cum milite præsidario. Quemadmodum igitur non vi semper externâ opus est ad occupanda castella, sed judice Philippo Rege expugnari ea omnia possunt, in quæ modo asellus onustus auro potest adscendere: ita etiam sanctitatem religionis & ministerii Ecclesiastici expugnari posse existimat Imperator pecuniis. Expugnare videtur navem, inquit Ulpianus l. 3. §. 1. ff. de incend. qui in ipso quasi prœlio & pugna adversus navem & ratem aliquid rapit, sive expugnet, sive prædonibus expugnantibus rapiat. Et l. 6. ff. eod. expugnata navis dicatur, cum spoliatur, aut mergitur, aut disolvitur, aut pertunditur, aut funes ejus præciduntur, aut vela conciduntur, aut ancoræ involantur de mare. Qui omnes modi expugnandi eleganter applicari possent ad ministerii Ecclesiastici corruptio-

ruptionem, nisi breviores nos esse oporteat. Quia tamen non ille tantum navem expugnare dicitur, qui ipse expugnat, sed etiam qui prædonibus expugnantibus rapit, optimè hinc colligitur, etiam illum expugnare pecuniis tempa DEI, qui alis dantibus pecuniam in ministerium coaptatur, uti infra pluribus dicemus.

XLII. Per hanc similitudinem verò infert Imperator, tempa DEI, integritatem, fidem, & ipsam denique sanctitatem pessimè corrumpi, si flagitium istud admittatur. Singula ea elegantibus commendat elogis, dum *veneranda DEI tempa, murum integratis, vallum fidei, sanctitatem incorruptam* dicit, ut florentiorem hunc, ab expugnatione castelli peti- tum, faciat tropum. *Venerandum* dicitur, quod religionem quandam in- cutit, ut singulare cum observantiâ colarur, quomodo Concilium di- tur venerabile, baptismus venerabilis, Christiana religio venerabilis, ordo Se- natûs venerabilis, aut venerandus, Leges venerandæ, antiquitas veneran- da, urbs veneranda, veneranda Consistorii secreta, venerandum vinculum cognati languinis &c. quæ pasim inveniuntur in Constitutionibus Impe- ratorum. *Integritas & fides* veluti murus & vallum sunt, quibus sanctitas Ecclesiastica se tuetur, & quibus inconcusis ipsa quoque incorrupta manet. Sed expugnatâ per pecuniâm integritate & fide, non potest non ipsa quoque *santitas* corrumpi & violari. *Sandum* est propriè quod ab in- juriâ hominum defensum atque munitum est. l. 2. ff. de R. D. Quamdiu igitur ita munitum est, sanctum dici optimo jure potest; monumentis ve- ro expugnatis, ipsa etiam corruit sanctitas. Nec enim deficiunt hostes, quibuscum perpetuò certandum est sanctitati, inter quos tamen eminet φιλαγγυρία, quam Imperator cum Virgilio auri sacram, h. e. execrandam, famem appellat. Ea si in penetralia aut adyta & intima sanctitatis proser- pat, facile eandem prosternit, perfractâ scil. integritate, & occupato val- lo fidei, à quibus illa defendebatur.

XLIII. In his considerationibus dum versatur Imperator, argumento à minori ad majus inducit, omnem ubique deinceps perituram integrita- tem & fidem, si in Ecclesiâ execrandum istud flagitium toleretur porrò. *Profectò*, inquit, *quis locus tutus, Equa causa esse poterit excusata, si* *veneranda DEI tempa pecuniis expugnentur? quem murum integrati- tis aut vallum fidei pro videbimus, si auri sacra fames in penetralia vene- randa proserpat? quid deniq; cautum esse poterit, aut securum, si sancti- tas incorrupta corrumpatur?* A templis ad quæcunque loca alia, ab electione Episcoporum ad quascunque causas alias, ad alia quævis negotia, & uni- versas adeo hominum actiones honestas argumentandi rationem producit, nihil deinceps tam sanctum, tam solemne, tam religiosum, tam honestum,

tam

tam rectum extitum, quod periculo corruptionis non sit obnoxium. Argumenti vim optimè declarat Nicolaus de Clemangiis loco supra citato. Longè, inquit, graviora sunt Pastorum quam ovinularum delicta, primum quidem, quia nullam possunt simplicitatis excusationem, nullum justum ignorantiae pretendere velamentum. Deinde quia in hoc positi sunt, ut oves errantes corrigant, non ut illis per sua vitia errandi exempla prebeat. Postremo, quia dum pastor per abrupta queq; graditur vitorum, totus grex in precipitum illum imitari cupiens, qui sibi pro exemplari est, delabitur, ac per hoc Pastorum crimina non modo personalia sunt, sed in ipsum totum ovile referuntur, nec simplicia peccata sunt, sed in subditorum animis plerumq; heres generant, unoquoq; existimante id rectum ac licitum esse, quod suum cognoverit Pastorem actitare, quem sibi pro regula vita & pro formâ recte agendi datum arbitratur &c.

XLIV. Omissò tandem Rhetorico dicendi genere, quippe quod in metaphoris adhibendis tūm demum delectat, si modicus earum fuerit usus, redit Imperator ad proprium & genuinum legis ferendæ stylum, ita tamen, ut figurato nihilominus utatur sermone, sed intellectui cuiusque obvio & explicato. Cesset, inquit, altaribus imminere profanus ardor avaritiae, & a sacrificiis adytis repellatur piaculare flagitium. Verba imperantis sunt, & omnino Legislatoris. Flagitium vocat, verbo quidem generali, quippe quod pro quovis delicto & criminе usurpari solet, uti docet Tiberius Decianus tr. Crim. lib. 1. c. 13. Sed ad præsentem materiam valde accommodato. Flagitare enim, à quo vocabulum hoc deduci volunt, propriè est vehementer & veluti quādam inflammatione animi petere. Quod omnino quadrat ad descriptionem avaritiae, quam in profano ardore confistere dicit Imperator. Flagrans enim & non intermoritur ex tali cupiditate in animo hominis accenditur ignis, quem eleganter explicat Eusebius apud Joh. Stobæum serm. 53. Avaritiam inquit quotidiè confluentes divitiae non suffunt, ut neq; struem ardentem injecta materia. Quin accedentes semper opes ad maiorem cupiditatem animum magis accendant. Sola verò mens si præsens fuerit, huic quoq; vitio mederi potest. Ignis hic calore suo exitiabilem famem excitat, quæ nullâ ratione expleri potest. Avarum enim irritat non satiat pecunia, uti loquitur Publius Syrus in sententiis, ideò scil. quod ardor ille perpetuus est, nec semel conceptus extingui facile potest. Fervorem vocat Poëta, dum ait: Fervet avaritia miseraq; cupidine pectus. Et hinc recte statuit Sallustius in Catilin. avaritiam infinitam & insatiabilem esse, neque copiâ neque inopiam minui. Ardorem istum profanum vocat Imperator, adposito & valde accommodato vocabulo. Trebatius enim profanum id propriè dici tradidit, quod ex religioso vel sacro in hominum usum proprietatemve conversum est. Macrobius autem lib. 3. cap. 3. omnes penè in id consentire scri-

scribit, profanum esse, quod extra fanaticam causam sit, quasi procul à fano & religione secretum. Profanus igitur jure dicitur ardor ille avaritiae, qui ex rebus, quae non sunt in commercio, turpisimam instituit nundinatorem & officia Ecclesiastica venalitati subjicit.

XLV. Dixerat Leo, veneranda DEI templa non esse pecuniis expugnanda; nunc verò in verbis dispositivis partium principaliorum facit mentionem, altarium nempe & adytorum, ut eò melius percipi posset, quid per penetralia & sanctitatem intellectum voluerit. *Cestet, inquit, altaribus imminere profanus ardor avaritiae Ex a sacris adytis repellatur pia- culare flagitium.* In *altaribus* nempe sanctitas exuberare debet, quod in iis dispensari soleant Christi pro nobis traditi sacramenta. *Quid est enim al- tare,* inquit, Optatus Milevitanus *adv. Parmen. lib. 6. nisi sedes Et corporis Et sanguinis Christi?* Potissima scilicet ministerii Ecclesiastici pars in altaribus absolvitur, ex quorum gradibus etiam conciones olim ab Episcopis ad populum habebantur, uti alibi dicendum erit. Insuper etiam, quod proximè huc facit, consecrationes sive ordinationes in altaribus sive ad altaria fiebant, uti patet ex *can. 9. Concil. Toletani XI.* Et hinc accommodatè dixit Imperator, altaribus imminere ardorem avaritiae, sicubi propter ordinacionem datum aliiquid & acceptum fuerit. Imò verò ipsum altare, & totum, quod in eo peragitur, ministerium atque officium Ecclesiasticum vendi videtur, sicubi propter electionem aut ordinationem accipiat pecunia. *Adyta* autem sunt ipsa illa penetralia, de quibus antea dixit. Adytum enim, uti Servius ad Virgilii *Aeneid.* 2. exponit, est locus templi secretus, ad quem nulli est aditus, nisi Sacerdoti.

XLVI. Ut verò de vocabuli hujus in Ecclesiâ Christianâ usu accuratior habeatur notitia, notandum est, in templo Constantinopolitano remotissimum à primo introitu & sacerdimum locum fuisse *βῆμα* appellatum. *can. Laodicen. 56.* quod sacrarium reddidit in versione suâ Dionysius Exiguus *ibid.* Appellatur autem etiam *θυσιαῖς εὐροῦ* aliquando, hoc est altare, à potiore suâ parte, quæ in illo continebatur, cum utique latius multo sit *βῆμα*, quam *θυσιαῖς εὐροῦ*. Aliquando etiam dicitur *ἱεράτειον*, & à Theodoro Ballamone *ad can. 69. Synodi in Trullo habite θεῖον ἀδυτον*, itemque à Nicephoro Callisto *l. 12. bish. c. 41.* simpliciter *τὰ ἀδυτα*, sive loca inaccessa. Ratio denominandi petenda est ex usu & consuetudine Ecclesiæ veteris. Uti enim ex collatione canonum Concilii Laodicensis *19. Braca- rensis can. 31. Toletani IV, can. 17.* tum & Theodoriti *lib. 5. bish. cap. 18.* constat, triplex fuit locorum in Ecclesiâ differentia & distinctio. In primâ & præcipuâ parte erat altare, quod cancellis clausum erat, & Sancta Sanctorum dicitur *c. 1. 12. de vit. Et honest. Cler.* In hunc locum neque mu-

Eee lieri-

402 CAP. V. *Electionem animo integro & incorrupto perfici,*
lieribus, neque Laico cuiquam, nec Imperatori quidem, nulli quando munus suum oblaturus erat, ingredi licebat. can. 44. concil. Laodic. can. 69. Concilii Trullan. In alterâ parte post cancellos chorus & presbyterium solis clericis patebat, uti colligitur ex dicto Theodoriti loco, tum & can. Apost. 57. lib. 2. quanquam ἡρωαὶ εἰον five altare, generaliter acceptum etiam hunc locum simul comprehendat, uti patet ex l. 4. Cod. Theodos. de bis qui ad Eccles. confug. In tertîâ parte Laici omnes confidebant, nec ad altare etiam communicandi causa admittebantur, excepto solo Imperatore, dum offerebat. Dum igitur altaria & adyta in diversis propositionibus conjungit Imperator, ἐγνησθε unum idemque exprimere voluisse videtur, sed ita, ut αἱ πόλεις simul aliquam eleganter committat, hoc sensu: Non debet imminere altaribus hoc flagitium, & si immineat, debet repellere. Primum illud hostem eminus consistentem ab insultu prohibet; alterum hoc insultantem fugat & protelat.

XLVII. Pergit Imperator: *Ita q̄ castus & humilis nostris temporibus eligatur Episcopus: ut quocunq; locorum per venerit, omnia vita proprie integritate purificet.* Castum vult esse Episcopum, non in specie tantum significatu, quatenus castus dicitur ille, qui libidinis & estum temperat; sed etiam, ut omni aliâ culpâ vacet. Sic enim casti vocabulum accipit Plautus in Poen. act. V, 4. Eo sumus gnatæ genere, ut deceat nos esse à culpâ castas. Et hinc etiam castæ preces dicuntur, l. 7. C. Theod. de pagan. it. Nicænæ fidei casta sacerdotia, l. 3. C. Th. de fid. catbol. Et hinc etiam castitas sordibus & avaritiæ opponitur, non apud Ciceronem tantum in orat. pro L. Manili, sed etiam in Codice Justinianeo, l. un. publ. letit. lib. XII. Et sic etiam usurpat auctor subditus Notit. Imp. cap. 4. Si provinciæ casti & integratæ cupidi moderentur Eccl. *Humilis* insuper jubetur eligi Episcopum, hoc est, modestus, qui non quidem negligit aut intermitit actiones tales, quæ honore dignæ sunt, honorem tamen ipsum non affectat, nec magni facit, sed in propriae excellentiæ oblitione & contemptu, tum & probo donorum ac bonorum usu perpetuò se exercet. Quæ theologica virtus heroica quædam modestia est. Ideoque humilis hic dicitur ex virtute, non ex statu & genere vitæ, uti vocabulum hoc accipitur in l. 6. §. 1. ff. de edend l. 7. C. de incest. nupt. l. 1. C. de nat. lib. l. 2. C. Th. de cursu publ.

XLVIII. His virtutibus & animi dotibus si instructus fuerit, qui eligitur in Episcopum, efficiet, *ut quocunq; locorum per venerit, omnia vita proprie integritate purificet.* Quod intelligi debet, non tantum de cathedrâ ipsâ Episcopali, in quam electus est, sicutib; ea ab antecessoris impunitate contaminata fuerit; sed etiam de aliis quibuscumq; locis, quo se destinato aut forte fortuna contulerit. De priore rectè colligit Gratianus dist. 40.

dist. 40. pr. variis virtutibus debere splendere vitam pontificis, ut graduī conferat decorum, quem ab eo non accepit: non enim loca, inquit, sed vita & mores sanctum faciunt sacerdotem. Inque enim sententiam producit verba Hieronymi: *Non est facile stare in loco Petri & Pauli, scilicet tenere cathedram regnantium cum Christo, quia hinc dicitur: non sanctorum filii sunt, qui tenent loca sanctorum, sed qui exercent opera eorum.* Et Gregorii: *Nos qui presumus, non ex locorum vel generis dignitate, sed morum nobilitate innotescere debemus: nec urbium claritate, sed fidei puritate.* Nec captanda proinde sunt verba Symmachī, sive Ennodii potius, qui fuit Diaconus Symmachī, allegata eidem Gratiano d. dist. 40. c. 2. dum ait: *Quis enim sanctum dubitet esse, quem apex tanta dignitatis attollit? In quo si desint bona acquisita per meritum, sufficiunt, que a loci predecessore prestantur, aut enim claros ad haec flagitia erigit, aut qui eriguntur, illustrat.* In verbis enim antecedentibus satis explicat mentem suam, quos intellec̄tos velit, illos scilicet, quos par conversationis splendor illuminat.

XLIX. Posteriorius quod attinet, longā experientiā comprobatum fuit, vita sanctitate & exemplo plus potuisse Episcopos, quam doctrinā & repetitā ad nonitione. Virtute enim nihil amabilius, quæ sic omnium animos ad se pellicit, ut nulla incantatio posit efficacius. *Vita jubeat,* inquit Athanasius ad Monachos, lingua persuadeat. Et Bernardus: *Efficacius est vita quam lingue testimonium. Dabis voci tue vocem virtutis, si quod svades, prius tibi illud cognoveris persuasisse.* Quod si igitur sacerdotium corruptum est, omnium fides & virtus marcida erit. Quemadmodum enim si sordida erit manus, quæ alienas labes abstergere conatur, taeta quæque deterius inquinat: sic pastores, qui nequissimorum maculas diluere volunt, ipsi interim impuri, eos foedant & contaminant magis. E contrario vero, si quis purus erit & sanctus, animumq; suum ab omni non modo facinore, verum etiam minimi errati suspicione remotissimum custodiverit, faciet, ut veluti lumen in edito positum omnibus aliis præluceat, & non multos tantum ad sui æmulationem accendat, sed etiam, si qui jam vitiis toti immersi fuerint, ut illi, ubi præsentem eum habuerint, verecundiā deterriti, ad frugem applicent animum, & virtute culpam corrigere atque flagitii memoriam novâ gloriâ abolere studeant. Hac ratione et si in popinas ganeasq; & lupanaria inscius venerit, aut invitus trahatur Episcopus, suâ tamen vita integritate purificabit eadem, & faciet, ut loca ista à turpitudine suâ multum remittant, & eum, quoad præsens fuerit, metuant, atque revereantur. Planè ut Ambrofius, cum Episcopatum Mediolanensem, ad quem poscebat, refugeret, impudicas mulieres ad se publicè ingredi faciebat, nec tamen eorum conversatione contaminabatur, uti refert l'aulinus presbyter in ejus vit.

L. Quæ sequuntur verba in constitutione Leonis, propter variantem lectionem diversam pariunt interpretationem. Vulgo hoc inveniuntur con-

Eee 2

textu:

textu: *Nec precio, sed precibus ordinetur antistes.* Sed Jacobus Russardus in editione sua monet, alibi sic legi: *Non precio, nec precibus ordinetur Antistes, quam lectionem ipse etiam probat, non improbatâ tamen alterâ priore, & adeo putat, utramq; ferri posse. Nam, inquit, electuri Episcopum DEUM preabantur, ut accommodatissimum & dignissimum eligere possent. Itaq; his precibus ordinari antistitem non est absurdum, & recte legitur. Sed interdum quoq; bonum potentium propinquorum aut amicorum precibus eligeatur Episcopus, quod recte prohibetur, & tum legendum fuerit: nec.* Volut utiq; Imperator per ~~magno~~ aliquam ex vocabulo preciū petitam modum electionis legitimū describere. Descriptio autem talis fieri etiam potest per remotionem, quid abesse debeat. Idq; satis subinnuit, adesse debere ejus oppositum. Sola differentiæ ratio nata fuit exinde, quod non satis constet de mente Imperatoris, quales preces intellectas voluerit, utrum eas, quæ ad DEUM ministerii autorem funduntur, an verò, quæ per modum intercessionis ab hominibus proveniunt. De utrisque potuit cogitare & legem ferre Imperator, sed ita, ut priores admitteret, posteriores excluderet. Utras autem ille in mente & intentione habuerit, nullâ conjecturâ assequi licet. Glossa lectionem vulgarē hoc modo interpretatur, ut preces accipiat de illis, quibus rogatur electus, ut munus sive officium acceptet, non quas ipse interponit, ut eligatur. Non male, cùm ipse mox Imperator de tali rogatu verba faciat, dum ait: **Rogatus recedat.** Malim tamen de ipsis precibus in ordinatione ad DEUM fulis exponere, cùm præsertim ordinationis, cuius hic facit mentionem Imperator, potissima ratio in precibus conficit. Per ordinationem enim intelligitur actio illa sacra, quâ separatur electus à reliquo populo, eiq; imponitur officium sacrum, & per preces singulariter commendatur DEO, ut gratiam ei suam impertiat, & infinitis aliis donis exornet. His igitur precibus ordinetur antistes, h.e. Episcopus, (quandoquidem hæc vocabula promiscue ultrapari solent,) non precio. Illud autem hic observare licet, utramq; & electionem & ordinationem, si precio fiat, ejusdem notæ esse apud Imperatorem, ne quis, quod in unâ prohibitum fuit, in alterâ licitum esse, sibi persuadeat. Utraq; illa vitiositate Simoniacâ carere debet, cùm utraque pertineat ad collationem officii & muneris Ecclesiastici.

LI. Ut verò eo magis ab hoc conatu, quem in Simoniæ crimen incidere dixi, candidatos ministerii Ecclesiastici revocet Imperator, utve illos doceat, quâ ratione non modo aq;imum integrum, sed animam etiam puram conservare queant, auream istam & cedro dignam constitutioni huic suæ inserit sententiam: *Tantum ab ambitu debet esse depositus, ut queratur cogendus, rogatus recedat, invitatus effugiat, sola illi suffragetur necessitas excusandi: profecto eum indignus est sacerdotio, nisi fuerit ordinatus in virtus.* Ut expiatet vitium, quod frequens tūm erat Stoico-

rum

rum sequitur procedendi rationem à contrario scilicet. Illi enim summa ex hominibus ut tollerent vitia, ne quidem minima admittebant, quin & cuncta volebant paria. Et ut à peccando homines abducerent, ne affectus quidem minimos permittebant, quos ad habitum virtutis ratione quādam salutari perduxerunt alii. Et quis nescit, in quamplurimis ex philosophiā Stoicā natam fuisse Jurisprudentiam nostram? Quæsitum, invitatum, rogatum, cogi, effugere & recedere, nec adeò arnuere debere electum, vult Imperator. Quod tamen ita accipiendum est, ne præfractē id fiat, & cum extremā contumaciā, sive animi obstinatione, & inflexibili pervicaciā. Alias enim, si vel maximè coactus fuerit, nunquam ille ad officium suum promptē se exhibebit, nec faciet ea, quæ munus injunctum exigit. Excusabit igitur se, & declinabit, quantum poterit, provinciam sibi delatam. Id enim indicium erit, ab omni ambitu depositum aut vacuum eum esse, nec imputari ei Simoniæ crimen posse. Dignitates enim fugientibus & non desiderantibus sunt concedendæ, quia sicut locus regiminis desiderantibus negandus est, ita fugientibus offerendus est. *c. in scripturis, 8. q. 1.* Et ideo Plato dicere solitus fuit vix quenquam gerendo imperio idoneum esse, nisi qui invitus & coactus hoc munus suscepit. Siquidem & procurator, qui operam suam ingerit, suspectus, nec ferendus est. *l. 25. ff. de procurat.*

LII. Ostendunt autem hæc Imperatoris verba, ab omni ambitu alienum esse debere, qui ad Episcopatum promovendus fuerit, non eo tantum, qui pecuniis dividendis olim fiebat, & omni tempore prohibitus fuit, sed etiam qui liberā Rep. Romanā licitus erat, & cujus solemnia ex Quinti Ciceronis libro de Consulatu in compendium contraxit Antonius Matthæus de criminib. tit. de ambitu cap. 1. n. 2. Licitum scil. tūm erat suo quemque salutare nomine, animi sui desideria explicare, astidū petere, sāpē eosdem appellare, frontem vultum, & sermonem ad eorum, quos cunque conveniret, sensum & voluntatem commutare, non committere, ut quisquam se contemptum queri posset, congiaria etiam & prandia dare, populique studia omni conatu conciliare. Itas circuitiones ita describit Claudio Mamertus præf. Viennensis: *Quis ignorat, tunc quoq; cum bonores populi Rom. suffragiis mandabantur, multos fuisse Candidatorum labores, ediscenda omnium nomina Tribulum, homines singuli salutandi, prebensanda obviorum manus, omnibus arridendum, multaq; alia propter bonorem adipiscendum agenda, quæ alias Virum honore dignum facere non liceret.* Sed nihil tale licet eligendo ad Episcopatum. Tantum enim abest, ut appellare quenquam, & prensare liceat, ut potius recedere jubeatur, si rogetur, & effugere, si invitetur. Ad quæ ipsa verba sine dubio respexit Gregorius M. lib. 7. epist. 112. apud Gratianum c. sicut 1. q. 6. dum ait: *Sicut is qui invitatus renuit, quæ situs refugit, sacrī altaribus est admovendus, sic qui ultrō ambit, vel importune si inge-*

406 CAP. V. Electionem animo integro & incorrupto perfici,
rit, est procul dubio repellendus. Nam qui sic nititur ad altiora concendere, quid
aliud agit, nisi ut crescendo decrescat, & ascendendo exterius, interius in profun-
dum descendat? Et sic dicit etiam Imperator, indignum esse Sacerdotio, qui
non fuerit ordinatus invitus.

LIII. Hæc ipsa sententia etiam in civilibus officiis conferendis sepi-
simè ut regula observata fuit. De Alexandro Severo scribit Ælius Lam-
pridius, quod alterum præfectum prætorii fecerit, qui, ne fieret, etiam fugerat,
dicens, *invitos, non ambientes*, in Rempublicam collocandos. Itemque quod ho-
nores *juris gladii* nunquam vendi passus sit, dicens: *Necesse est, ut qui emit, ven-
dat. Ego non patiar mercatores potestatum: quos si patiar, damnare non possim.*
Erubesco enim punire illum hominem, qui emit & vendit. Sic etiam Marcia-
nus Imperator in novellâ suâ constitutione, quæ tit. I. habetur, præmittit,
quâ ratione *venalem judicum ambitum radicis amputaverit, & ad res priva-
tas vel publicas sincerissime gubernandas, homines speclandos atq[ue] consultos traxer-
it invitos, sciens quippe felicem fore Remp. si à nolentibus & actus publicos repul-
santibus administretur.* Sane qui ambit illicitâ cupiditate magistratus &
potestatem, vix est, ut is postea non nundinetur illicitè, & mercaturam
non exerceat foedissimam ejusdem. Quâ acquisitâ nova illico prodeunt
vitiorum semina, cùm fieri haud possit, quin vendere sibi lícere quis putet,
quod emit Novell. 8. pr. Hinc ergò homicidia, hinc adulteria, rapinæ, hinc
commerciorum confusio, hinc legum contemptus, unoquoque quamvis
pœnam auro redimi posse, confidente.

LIV. Sed ut ad constitutionem nostram redeamus, quid est, quod di-
cit Imperator: *Sola illi suffragetur necessitas excusandi?* Glossam si con-
sulamus, celeriter ea exigueque hæc addit verba: id est, *sola necessitas excu-
set eum.* Sed à quo? ab acceptatione muneris Episcopalis? Atqui hic tūm
planè peregrinus erit sensus. Excusatum non vult, sed cogi jubet Impera-
tor eum, qui repugnat. Nec agitur de rationibus & argumentis excusatio-
num, quibus elabi & ab Episcopatu suscipiendo liberari quis possit; sed agi-
tur de modo compellendi eum, qui refugit, quiue electioni de se factæ con-
sentire recusat. Sic igitur verba ista mihi videntur explicari debere, non
admittendum esse ad Episcopatum, nisi eum, qui se excusaverit, suamque
indignitatem allegaverit, adeò, ut cùm alii suffragia operosè conquerant,
& largitione devincta habeant, illi sola sua suffragetur excusatio, quam pro-
pterea necessariam dicit, quod, nisi interveniat, suspectum ille se faciat ambi-
tionis & officii studiosè affectati. Excusatum autem qui se dicit, qui acce-
ptare minus impositum renuit, hoc de se præbet argumentum, nulli am-
bitioni succubuisse, atque adeò summâ cum integritate Episcopatui præfici
posse. Planè in omnibus illis, quæ fidem & integritatem exigunt, valde
suspectum se reddit, qui se ingerit; è contrario vero observatum est, decli-
nari

nari solere talia officia ab illis, qui recte agere conservaverunt. De procuratoribus supra dixi ex l. 25. ff. de procurat. De tutoribus habemus textum in l. 18. §. 1. ff. ad L. Corn. de fals. De Curatoribus vero elegans est sententia Justiniani, novell. 72. c. 6. Quoniam vero videmus, gravatae et difficulter ad curationes accedere eos, apud quos aliqua DEI memoria residua est, nam plurimus, qui cupiunt bona minorum, in suos usus impie vertere, res admodum amabilis est et appetibilis &c. Et hinc recte scripsit Modestinus in l. 21. §. fin. ff. de tutor. et curator. dat. Semper maximè hoc obseruant magistratus, ne creant eos, qui se ipsos volunt ingerere, ut creantur, quique pecuniam dant, hos enim & pœnæ obnoxios esse, promulgatum est.

LV. Progradimur nunc cum Imperatore ad sanctionem, quam huic sue constitutioni adjecit, h.e. ad pœnam, quâ teneri voluit violatores. [Cùm sanè, inquit, si quis hanc sanctam & venerandam antistitis sedem pecuniæ interventu subiisse, aut si quis, ut alterum ordinaret, vel eligeret, aliquid accepisse detegitur, ad instar publici criminis & læsæ majestatis accusatione proposita, à gradu sacerdotii retrahatur, nec hoc solum deinceps honore privari, sed perpetuæ quoque infamiae damnari decernimus: ut eos, quos par facinus coquinat & æquat, utrosque similis pœna comitetur. Duplicum decernit pœnam Simoniacis, remotionem ab officio, & infamiam, & utrumque tūm dantem tūm accipientem pari pœna teneri vult. Describit etiam processum, quo mediante pœna hæc in genere constituta applicari delinquenti debeat, accusatione scil. proposita ad modum publici criminis & læsæ majestatis. Describit insuper subiectum, in quo pœnæ istæ confluere debeat, & in quo expiari istud crimen oporteat. De singulis aliqua nobis dicenda restant.

LVI. Subjectum, quod pœnas constitutas meretur, hoc modo describitur: Si quis hanc sanctam & venerabilem antistitis sedem pecuniæ interventu subiisse, aut si quis, ut alterum ordinaret, vel eligeret, accepisse detegitur &c. In his verbis plurima sunt, quæ notari debent: Primo, particulam hanc non debere captari, neque restringi ad Ecclesiam & Sedem tantum Constantinopolitanam; sed intelligi & sub innui per eam quamcumq; aliam sedem Episcopalem; tūm quia hactenus constitutionem suam de quibuscumque aliis Episcopatibus acceptam voluit, & in genere locutus fuit Imperator, ut adeò non videatur cohædere, si tam prolixè is & in genere de Ecclesiis toto Orbe diffusis & Simonia crimine contaminatis præfatus, sanctionem ad solam Ecclesiam Constantinopolitanam restringere velit: tūm vero, quia jam tūm in Conciliis facta & ab Imperatoribus confirmata extiterunt decreta, quibus in genere omnis ista nundinatio sub pœna remotionis prohibita fuit, uti mox dicam. Illud vero facilius admitto, constitutionem hanc, quia pœnalis est, non debere extendi ad alios, nisi qui pecuniæ

cunia interventu sacerdotium acquisiverint, ita tamen, ut pecunia nomine non solum numerata pecunia, sed omnes res tam soli quam mobiles, & tam corpora quam jura contineantur. l. 178. pr. & l. 222. ff. de V. S. Non ergo, quod secundo loco notandum est, in hunc censum veniunt, qui ad sacerdotium precibus tantum intervenientibus promoti fuerunt, quanquam per illas etiam Simoniam committi dicatur. Tertiò illud etiam notetur, & electionis & ordinationis vitiosæ eandem habitam ab Imperatore rationem, & utriusque eandem præstitutam fuisse pœnam, nec adeò admissi posse, quod statuit Augustinus Barbosa *de jure Eccles. lib. I. c. 19. num. ult.* non vitiare electionem per vitiosam ordinationem. Ex hâc enim Leonis constitutione patet, nihil prodesse electionem legitimam, si electus pecunia interventu ordinatus fuerit, sed nihilominus à gradu sacerdotii removeri, & infamia noctâ eum insigniri debere. Denique etiam hoc notandum est, non illum tantum hujus criminis reum & pœnæ obnoxium esse, qui pecuniam ipso actu dat & accipit, sed etiam qui stipulatur & promittit, ejusq; intuitu eligit aut eligitur. Accipit enim etiam ille aliquid, qui promissionem ab altero factam accipit.

LVII. Pœna ab Imperatore criminis huic præstata, uti dixi, duplex est, privatio officii, quod quis jam habet, sive negatio ejus, quod sperat, & infamia. Priorem his verbis describit: à gradu sacerdotii retrabatur. Cumque verba illa de solo accipiente concepta sint, ne quis vacuum iolatumque pœnâ dantem putet, specialiter in fine addit, *eum quoq; similem pœnam comitari debere.* Et hoc quidem in ipso Concilio Chalcedonensi can. 2. octodecim annis antè, quam Constitutio hæc ederetur, anno nimirum CCCCLI. itidem decretum fuerat: *Si quis Episcopus propter pecunias ordinationem fecerit & inestimabilem gratiam sub precio redegerit, & propter pecunias ordinaverit Episcopum vel Choropiscopum vel presbyteros, vel diaconos, vel aliquem eorum, qui in Clero annumerantur, vel propter pecunias promoverit & connum, vel defensorem vel mansionarium vel omnino aliquem ex canone sui turpis quaestus gratiâ, qui hoc tentasse convictus fuerit, sui gradus periculum subeat.* Et qui est ordinatus, nibil ex ordinatione vel promotione per quaestum vel mercaturam facta juvetur, sed sit alienus à dignitate & sollicitudine, quam pecuniis adeptus est. *Si quis autem mediator tam turpibus & nefariis lucris apparuerit, bic quoq; si sit quidem Clericus, proprio gradu excidat.* Sin autem Laicus vel monachus, anathematizetur. Quæ verba abundè declarant, quid sibi velit Imperator per retractionem à gradu sacerdotii. Sic enim vocabulum retrahere accipitur in l. 3. C. de censib. & censitor. lib. XI. Ista autem retractione à sacerdotii gradu, sive καθηρευτικा illud τῆς τὸν εἰκέτων βαθύτερον, de quo agit canon Chalcedonensis, non significat tantum revocationem aliquam ex

ex sublimiore dignitate in inferiorem, ita, ut Episcopus Simoniacus ex gradu Episcopali in presbyterialem detrudi debeat, & hoc sufficiat pœnæ, quæ ab Imperatore & Concilio decreta fuit, exequendæ, quam regradationem dici, notat Cujacius *ad l. 3. C. de domesticis lib. XII.* sed omnimodam remotionem ex statu clericali. Ita enim interpretati sunt, plerique omnes, qui secuti sunt Ecclesiæ Doctores, ut videre licet apud Gratianum *caus. 1. q. 1.* Et in hunc lensum etiam concepta est, quæ in canonibus Apostolorum refertur, constitutio 28. *Si quis Episcopus, aut presbyter, aut diaconus pecuniae interventu banc dignitatem natus fuerit, deponitor tam ipse, quam qui eum ordinavit, & omnino à communione absconditor, quemadmodum Simon Magus a me Petro.* Eandem sententiam repetiit Concilium Aurelianense II. c. 3. & 4. Aurelianense V. c. 10. Turonense II. c. 27. Cabilonense c. 16. Bracarense III. c. 8. Nicænum II. c. 5. Nannetenle c. 7. & plura alia.

LVIII. Sufficit nobis hic adscribere, quæ interpretationis vicem subire potest, constitutionem Justiniani *in novell. 6. cap. 1.* quam vel ideo notare operæ erit precium, quia etiam de pecuniâ datâ & acceptâ, cui ea cedere debeat, specialiter disponit. Sic autem ille: *Et banc (ordinationem) non pecuniis emere, neq; per rerum aliquarum dationem suscipere, sed puram percipere, & sine mercede, & tanquam à DEO datam.* Nam si etiam alia omnia habeat utilia, quæ prius à nobis dicta sunt, pecuniis autem vel rebus videatur episcopatum etiam emisse, sciat se & ab Episcopatu casurum & hoc munus retributurum ordinanti: ut & ille Episcopatum amittat & a clero cadat, & utriq; causa talem prestat retributionem, ut & hic quidem non adipiscatur, quæ sperabat, ille autem etiam, quæ habebat, amittat: veruntamen pecuniis ac rebus datis occasione ordinationis, sanctissima assignandis Ecclesiæ, sive Episcopu's sit accipiens, & propterea a sacerdotio cadens: sive etiam quilibet alius in clero constitutorum. nam & illi equam imponimus pœnam, ut ab ordine, quem inter sacerdotes habuerit, cadat, & reddat aurum, aut res, quæ ordinationis occasione date sunt, injuriam passæ, quantum ad ipsum, Ecclesiæ. *Si quis autem extraneorum sit, & non in clero constitutus, qui aurum aut rem aliquam propter patrocinium ordinationis accepit, & maxime si administrationem aliquam gerat, habebit quidem ipse à DEO pœnam & succedent ei de cœlo supplicia;* veruntamen etiam illud, quod datum est, totum ablatum ab eo, sanctissima Ecclesiæ omnibus reddatur modis in duplum. *Insuper etiam, si quam administrationem habet, ead cadat, & perpetuo exilio condemnetur.* Illud quoque sciat aperte, qui pecuniis aut rebus aliis emerit praesulatum: quia si prius diaconus aut presbyter sit, deinde per suffragium ad sacerdotium veniat, non solum Episcopatu, sed nec prior ei relinquetur ordo, presbyterii forsitan aut diaconatus. Amittit etenim etiam illud, utpote decentia indignè concipiens, & omni sacerdotali excludetur ordine &c. Justinianus præter remotionem ex Clericorum ordine totalem, etiam pecuniæ jacturam fieri voluit

Fff

luit

Iuit, eamque Ecclesiæ addixit, quæ gravi illâ maculâ affecta fuit, & quidem duplo majorem, si extra clerum istius Ecclesiæ constitutus fuerit, qui pecuniam accepit, additâ simul relegatione perpetuâ.

LIX. Quia verò canon Concilii Chalcedonensis, ætate non multum præcurrit constitutionem Leoninam, & ferè *σύνταγμα* ei est, juvabit in occasionem & causam impulsivam, quæ ei natales dedit, inquirere. Antoninus scilicet Episcopus Ephesi & dioceſeos illius Exarchus impudenter admodum ab ordinandis pecuniam exigebat, secundum valorem annuorum reddituum Ecclesiæ illius, cui ordinandus destinatus erat. Huic malo ut obviam iretur, Johannes Chrysostomus Ephesum se contulit, & coactâ ibi Synodo Episcopos sex, qui pecuniam se dedisse negare non poterant, depoſuit, qui tamen hoc singulare obtinuerunt, ut pecuniam datam ab heredibus Antonini, qui interim diem suum obierat, repeteret liceret, cum alias conditio ob turpem causam non detur, si utriusque turpitudine subest, l. 3. ff. de condit. ob turp. caus. l. 5. C. eod. Nec verò juvabat tum Episcopos, quod pecuniam se secundum consuetudinem dedisse dicerent, aut juxta morem receptum; Mala enim consuetudo non minus quam pernitosia corruptela est abicienda & vitanda. c. mala, dist. 8. Et hæc quidem corruptio impulit Synodum Chalcedonensem, ut universalis Ecclesiæ autoritate & generali decreto in eam animadverteret, poenamque depositionis intentaret omnibus, qui tales ordinationum nundinationem fecisse convincerentur. Quia verò paulo post fraudibus & dolis agi coepit est adversus hanc prohibitionem, non modo Gennadius Patriarcha in Synodo CPnâ, ut supra exposui, sed etiam Leo Imperator hæc suâ constitutione in subsidium venerunt, & poenas etiam exasperarunt.

LX. Altera poena, quâ Leo Imperator coercere hoc crimen voluit est infamia. Quæ qualis sit, ex effectibus ejus in jure definitis cognosci potest. Qui enim infamia notatur, ab omnibus dignitatibus etiam acquisitis, munere testificandi, postulandi, judicandi repellitur, non tantum duranti ejus causa, sed etiam cessante, nec tantum in loco ubi est contracta, verum & alibi, & ubique locorum, cum infamia osibus adhæreat, veluti character quidam, qui hominem sequitur, quo cunq; locorum ierit. Olim etiam urbe prohibitos fuisse notant nonnulli ex l. 8. § 9. ff. de excusat. tut. & habitu ab integræ opinionis hominibus distinctos, ex Varrone. Quin & habere aliquem pro infami tanti momenti causam duxerunt veteres, ut inter cognitionum extraordinarium genera judicium de existimatione retulerint, l. 5. ff. de extraord. cognit. Hac ergo maculâ notati ut *βελύψαται* reliquis hominibus sunt, qui qualitercumque fidem & bonam famam amplectuntur, nec quisquam erit facile, qui illorum conversationem expetat.

LXI. Se-

LXI. Sequitur tandem ut de processu videamus, qualiter qui crimen hoc commisit, convinci debeat. Dicit Imperator, *ad instar publici criminiſ ſeſe Majestatis* accusationem proponendam esse. Accusationi dat locum, quæ nihil aliud eſt, quam criminis ad judicem delatio atque exēcūtio, vindictæ publicæ causâ facta. Et multo quidem gravior eſt accusatio, quam actio, quam privata nostra jura in judicio persequimur. Etenim accusamus nocentes, agimus etiam aduersus innocentes, id eſt, nullius criminis ſibi concios. Actione id quod nostrum eſt, vel quod nobis abeat: accusatione publicam vindictam persequimur. Accusatio inscriptionem olim desiderabat, non desiderabat actio. Propriè igitur accusare & accusatio ad delationes delictorum & cauſas criminalis refertur. Quod & ipsum hoc loco insinuat Imperator, dum ait, ad instar publici criminis accusationem instituendam eſt. Publicum autem crimen ſive publicum judicium dicitur, de quo lege publicâ cautum eſt l. 3. §. fin. ff. de p̄avar. cuius præcipua hæc fuit qualitas, quod cuivis ex populo ejus persecutio concessa erat. Quia enim per leges de publicis iudiciis latas damnum ipſi universitati & magis directe datum vindicatur, universitas autem, cum non niſi persona myſtica & imaginaria fit, deferre ipſa vel accusare non potest, ſed neſsingulorum adeò intereſt, ut ſinguli admitti debeant, quatenus nec in ſingulos delictum fuit, inde factum, ut accusationem cuivis de universitate ſpecialiter permitti neceſſum fuerit. Econtrario verò privata crima dicuntur, quorum accusatio non cuivis ex populo, ſed iis competit, ad quos ea re ſeu injuria pertinet. Et ut maximè in publicis iudiciis non promiſſe amplius quivis ex populo ad accusationem admittatur, manent tamen adhuc crima & iudicia publica, dum vel per modum inquisitionis procesſus hodiè instituitur, vel à procuratore fisci, qui populi ſuſtinet partes, accusatio ſuſcipitur.

LXII. Oppidò autem mirari ſubit modetiam Imperatoris & verecundam ejus rōpoſerias. Poterat ille jure majestatis, quam pollebat, conſtituere, ut crimen hoc inter publica deinceps referretur, & pro iudicio publico ejus vindicatio haberetur; exemplo Honorii, qui hærefiſi Manichæorum & Donatistarum inter publica crima retulit l. 4. C. de heret. & Man. Sed noluit tamen ille ſubitaneam hanc ſententiam interponere, ſed contentus fuit, accusationem fieri ad instar publici criminis. Vocabulum *instar* enim ſimilitudinem & conformitatēm quandam denotat. Et voluit adeò Imperator delictum hoc non eſſe quidem crimen publicum, ſed pro tali tantum haberi & iudicari. Noverat enī, non omnia iudicia, in quibus crimen aliquod vertitur, publica eſſe, ſed ea tantum, quæ ex LI. publicorum iudiciorum veniunt. l. 1. ff. de publ. jud. l. 3. §. 3. ff. de p̄e varicat. Ut igitur retineret, quod diu ita obſervatum fuit, temperare id, quod ſe-

cum constituerat, maluit, & analogiam tantum aliquam statuere satius putavit. Similitudinem autem istam ad speciem aliquam publicorum iudiciorum referre placuit, & quidem ad crimen læse Majestatis, non tamen ulterius, nisi quod accusationem concernit. Si qua igitur, extra eam, circa Majestatem læsam, ut salva præstetur, introducta sunt singularia, non arbitror, in hoc crimine locum invenire, quandoquidem perpetuum hoc manet axioma, leges pœnales strictè esse accipiendas, neq; ultra verba extendendas.

LXIII. Non arbitror, prolixè hic disquirendum esse, de quâ majestate constitutio hæc accipi debeat. Etsi enim inter Doctores invaluerit distinctio majestatis in divinam & humanam; eam tamen ex constitutionibus Imperatorum peti non posse, nec adeo in illis subintelligi debere concludit Antonius Matthæus *de criminib. tit. ad L. Jul. Maj. n. 2.* Nec vero læditur majestas divina in hoc crimine, nisi per indirectum, quatenus quæ Ecclesiæ infertur injuria, in majestatem divinam quodammodo redundat. Potius ergo est, ut dicamus, majestatem humanam ab Imperatore subinnui, quæ & ipsa quidem non læditur directò & principaliter, haec tamen læsa dici potest, quatenus Princeps est Defensor Ecclesiæ & custos utriusque tabulæ, suisque legibus, veluti vallo aliquo, Ecclesiam munit, quas propterea qui violat, in muros quasi Ecclesiæ delinquit, & adversus securitatem ejus quid committit, quod ad instar criminis læse Majestatis vindicandum videtur.

LXIV. Ne tamen latius evagetur ea comparatio, neve iniqui quid statuatur in delinquentes, ipse eam Imperator ad solam, uti dixi, restringit accusationem. Quod igitur in crimen læse Majestatis circa accusationem obtinet, id criminis Simonias commune esse voluit Imperator. Quo fit, ut reum hujus criminis accusare possint, qui alioquin ad accusandum non admittuntur, ut famosi, milites, servi & liberti, mulieres *l. 7. & 8. ff. ad L. Jul. Maj.* Filius patrem, *Novell. 115. c. 3. s. 3.* Pater filium, *l. 35. de relig. & sumpt. fun. vasallus Dominum c. un. 2.* F. 6. alumnus altorem, frater fratrem, Uxor maritum & contra: inimicus inimicum *d.l. 35. Novell. 117. c. 8.* Socius socium *c. si quis, in fin. dist. 79.* Laicus Clericum, *c. sanè quisquis 15. q. 3. c. 7. &c. de Simon.* Hæc enim omnia, uti ex adductis autoritatibus appetat, in crimen læse Majestatis constituta & recepta sunt. Et sic expressis verbis habetur in *c. 7. &c. de Simon.* Tanta est labes bujus criminis, quod etiam servi adversus dominos & quilibet criminosi admittuntur ad accusationem.

LXV. Neque tamen captanda sunt verba Imperatoris, ac si deficiente accusatore, & quiescente accusatione, nulla amplius locum habeat vindicta publica. Notum enim est, duplici modo hanc vindictam exerceri, uno, per viam accusationis, altero per viam inquisitionis. Et quam

quam accusatio olim frequentissima, & quasi ordinaria vindicandorum criminum ratio, inquisitio autem, ut rarer, ferè pro extraordinario reos per agendi modo habita fuerit; consuetudine tamen invaluit, ut inquisitio penè ubique ordinarius hodiè procedendi modus sit, nec expectari debeat à judice, donec extiterit aliquis accusator. Vid. Sig. Scaccia de *judic. lib. I.* c. 85. n. 5. seqq. Anton. Gomez. *tom. 3. c. 1. n. 49.* P. Heig. *part. I. q. 39.* Ubiunque ergo accusatio de delicto est permissa, ibi quoque permitta est inquisitio, quæ in ejus locum succedit, c. licet Itali *de Simon.* & fit ad eundem effectum, ne delictum maneat impunitum. Salicet. *ad l. ea quidem C. de accusat. n. 8.* Et propterea firmiter concidendum est, quod in constitutione Leonis non sit exclusa inquisitio, cum & magistratus hoc sit officium, ut in crimina cum severitate animadvertis. Et quanquam Canonistæ mitius puniri velint delinquentes per viam inquisitionis damnatos, quam si per accusationem peracti fuerint; exceptam tamen volunt Simoniam, propter quam nolunt admittere differentiam ex processu, per c. 21. *de accusat.* nisi non ordinem quis, sed beneficium Ecclesiasticum datâ pecuniâ consecutus fuerit, c. 30. *de Simon.* Hoc enim speciale dicit esse Antonius Dadinus Alteserra *ad d. cap. 21.* in regularibus, quod mitius puniantur de Simoniâ commissâ pro introitu monasterii, ob consuetudinem, quæ inoleverat, ut vix monachi reciperentur sine precio, & ob multitudinem eorum, qui hoc pacto recepti fuerant. Sed hæc nihil ad nos. Et ipsam illam mitigationis causam ex ratione processus petitam plane ignorat jus civile, neque ejus fundamentum dari aliquod potest sufficienter adstratum.

LXVI. Ut verò ne claudicer constitutio hæc pœnalis, & cum perpetua sit inter dantem & accipientem, itemque inter ordinantem & ordinatum relatio, ne condemnetur unus, alter verò absolvatur aut ab omni pœna exemptus habeatur, utrumque pari pœna teneri vult Imperator, idèo scil. quod *par facinus utrumq; coinquiat, & equat.* Id verò cum grano falso & certâ limitatione est accipendum. Potest enim inter ordinantem & ordinatum nulla Simonia committi, & tamen ordinatio simoniaca esse, aut potius à Simoniaco fieri. Et hinc distinguunt Canonistæ, utrum à Simoniaco quis simoniacè, an à Simoniaco quidem, non tamen simoniacè, an vere à non Simoniaco simoniacè ordinatus fuerit. Rem ita interpretatur & applicat ad præsentem statum Nicolaus II. Papa apud Gratianum c. *statuimus 1. q. 1.* Statuimus *de Simoniacis ordinatoribus vel ordinatis:* *E* de Simoniacis simoniacè à non Simoniacis: *E* de Simoniacis non simoniacè à Simoniacis. Simoniaci simoniacè ordinati vel ordinatores secundum Ecclesiasticos canones à proprio gradu decidant. Simoniaci quoque simoniacè à non Simoniacis ordinati, similiter ab officio male accepto removeantur.

Simoniacos autem non simoniacè à Simoniaci ordinatos, misericorditer per manus impositionem pro temporis necessitate in officio concedimus permanere. Sed hoc intelligendum est de his, qui ordinantur à Simoniaci, quos ignorabant esse Simoniacos, hos facit Simoniacos non reatus criminis, sed ordinatio Simoniaci. Verba ultima videntur esse Gratiani, quæ & aliis literis in quibusdam exemplari bus notari solent.

LXVII. Obscura autem est Pontificis sententia. Res huc recidit, quod alii sint simoniacè ordinati, qui tamen non sunt Simoniaci, puta, quando eis ignorantibus ordinatori pecunia data fuit, scilicet per amicum: quidam autem sint Simoniaci simoniacè ordinati puta, quando ipsi dederunt pecuniam, ut ordinarentur, vel data fuit eis consentientibus tacite vel expressè. Et hi simoniacè ordinati sunt, et si ordinator non sit Simoniacus, quando scilicet pecunia data aut promissa est non ipsi ordinatori, sed ejus amico. Dicitur autem simoniacè ordinari, quando ipse actus ordinationis, qui per agitur, labe Simoniæ infectus est, ita ut propter ordinationem pecunia data vel promissa sit. Si quis ergo ignoranter per Simoniam à cognato aut amico commissam promovetur, excidet ille quidem à gradu sacerdotii, sed notari propterea non debet infamia, cum nulla omnino ejus culpa intervererit; ut nec altero casu ordinatori aliqua imputari potest culpa, qui ignorans amico suo datum aliquid fuisse, ordinationis actum expedivit, qui propterea ne quidem à gradu suo, quem in sacerdotio tenet, movendus est.

LXVIII. Id insuper observo, quia Imperator Simoniacos perpetuæ infamiæ notâ insignitos esse voluit, non habere eos potuisse spem deinceps promotionis alicujus, quandoquidem infamia talis non solum impedit præfici, sed etiam removeri facit à dignitatibus habitis, l. 8. C. de decur. lib. X. l. 12. C. de dignit. lib. XII. neque admittit jus Canonicum, ut infames ad dignitatem Episcopalem promoteantur, per ea quæ tradit Joh. Aloysius Riccius decis. Cur. Archiep. Neap. 133. Sequioribus tamen temporibus recessum est ab hoc rigore, & post peractam pœnitentiam restituti fuerunt simoniaci in susceplos ordines. Discimus id ex canone nono Concilii Toletani XI. anno Christi DCLXXV. celebrati, cuius, et si prolixior sit, non pigebit hic adscribere verba: *Multa super hoc capitulo Patrum sententia manaverunt; scilicet, ne in appetibilem sancti Spiritus gratiam donis vel muniberis quis existimet comparandam.* Sed, quod non sine gravi dolore dicendum est, quanto haec res frequenti decretorum est præceptione probibita, tanto nobis fraudibus cognoscitur iterata; dum bi qui tali precio mercari nituntur gratiam sancti Spiritus, aut ordinationis, seu tempora preventi munere, aut post acceptum bonorem promissam suis conferunt apparitoribus turpis lucri mercedem. Et ideo ut horum & similium argumentorum deinceps amputetur occasio, hoc sancta Synodus defi-

definivit: ut cùm quisq; Pontificale culmen ante Domini altare percepturus accesserit, sacramenti se taxatione adstringat, quod pro conferendā sibi consecratione honoris, nulli persone cuiuslibet præmiū collationem vel jam dedisse vel aliquando ad futurum dare procuret: sicq; aut mundus ab hoc contagio prælationis consecrationem accipiat, aut implicitus huic sceleri, manifestè denotatus coram Ecclesiā ad honorem, quem mercari voluit, non accedat. Illos autem, quos deinceps post relationem per præmium ordinatos fuisse patuerit, sub definitis pœnitentia legibus, ut verē Simoniacos ab Ecclesiā separandos esse censēmus, id est, ut duorum annō: um spatio exilio relegati, & digna satisfactionis vel excommunicationis sententia coerciti, honoris gradum, quem præmis emerant, lacrymis conquerire & reparare intendant. Unde si digna eos satisfactio pœnitentia commendaverit, peracto pœnitentia inditæ tempore, non tantum communioni, sed loco & totius ordinis officiis, à quibus separati fuerunt, restaurandi sunt.

LXIX. Colligi hinc potest, eum, qui propter Simoniam commissam ex ordine Clericorum prorsus remotus fuerat, post peractam pœnitentiam restituī potuisse in pristinum suum statum h. e. in Episcopalem dignitatem, & sic per saltum, quod itidem non patiebantur antiqui canones. Nisi dixeris reliquos inferiores ordines gradatim simul restitutos fuisse. Sic enim intelligendum fortè est, quod scribit Fulbertus Episcopus Carnotensis ep. 25. De presbytero vestro ab alio Episcopo per pecuniam ordinato, ex auctoritate sanctorum Canonum tale vobis consilium dono. Primum degradetur. Deinde ab Ecclesiā separatus duobus annis severā pœnitentiā multetur, ut honoris gradus, quos precio taxaverat, lacrimis conquerire & reparare contendat. Postea si digna pœnituerit, restauretur. Hec verò, quæ diximus, cùm in aliis locis tūm satis expressè invenietis in Canone Toletano XI. c. 9. Ceterū rebaptizationes & reordinationes fieri, canones vetant. Propterea depositum non reordinabitis, sed reddetis & suos gradus per instrumenta & per vestimenta, quæ ad ipsos gradus pertinent, ita dicendo: Reddo tibi gradum Ostiarii, & cetera, in nomine Patris & Filii & Spiritus S. Nec minus inde sequi videtur, infamiae notam eo tempore, quo canon Toletanus conscriptus fuit, prorsus cessasse. Quo jure id factum fuerit, dubitare meritò licet. Quando enim crimen aliquod ipso jure turpitudinem habet annexam, non potest non crimine semel commisso, turpido ista perpetuo adhærere, quia scil. legis effectus perpetuus est, quæ crimen infamia punire voluit, & infamiam ipsa irrogat, non revocandam amplius, quemadmodum nec ipsum delictum revocari potest, cùm factum non posfit redi infectum. Quare si lex alicui delicto maculam irrogat, poena à judice etiam cum temporis determinatione expressa nihil immutat, quo minus infamia sit perpetua l. 43. § 4. ff. de R. N. l. 15. ff. ad muncip. l. 6. C. ex quib. caus. infam. irr. Hocque est, quod dicitur, non posse jucidem efficere, quin furti damnatum sequatur infamia, l. 63. ff. defert. Carp-

zov.

zov. Prax. Crim. q. 135. n. 60. Quapropter: dum ita severè animadverti, voluit Imperator in crimen Simoniæ, ut pro publico crimine habeatur, & perpetuâ infamia notetur, à Canonistis reddenda erit ratio, qui fieri posse, ut infamia nota tollatur, & quâ autoritate id factum arbitrentur? Sane etiam hic locum inveniet, quod *Divus Severus Dionysio Diogeni rescripsit*: *Atrocis injurie (Simoniæ) damnatus in ordine decurionum (Episcoporum) esse non potest; nec prodesse tibi debet error præsidum, aut ejus, qui de re aliquid pronuntiavit, aut eorum qui contra formam juris manisse te in ordine decurionum (Episcoporum) putaverunt, l. 40. ff. de injur.*

LXX. Illa vero canonis Toletani valde laudanda est dispositio, quâ Sacramento adstrictos voluit noviter electos Episcopos, se ab omni Simoniæ vitio liberos esse, sive ut verba habent, *quod pro conferenda sibi consecratione honoris, nulli personæ cuiuslibet præmii collationem vel jam dedisse, vel aliquando ad futurum dare procuret.* Planè ad imitationem constitutionis Theodosianæ in l. ult. C. ad L. Jul. repetund. in quâ simile quid de muneribus & officiis civilibus constitutum legitur. Eam, quia paraphrasin quandam ad canonem Toletanum suggestere potest, integrum adscribam. *Sancimus, ejusmodi viros ad provincias regendas accedere, qui ad honoris insignia non ambitione vel precio, sed probatae vitae & amplitudinis tuae solent testimonio promoveri: ita sane, ut quibus hi honores per sedis tuae, vel per nostram fuerint electionem commissi, jurati inter gesta depromant, se pro administrationibus sortiendis neque dedisse quicquam, neque daturos unquam postmodum fore sive per se, sive per interpositam personam in fraudem legis, sacramentiq; aut venditionis donationis ve titulo, aut alio velamento cuiuscunq; contractus, & ob hoc, exceptis solis salariis, nihil penitus tam in administratione positos, quam post depositum officium pro aliquo præstito beneficio tempore administrationis, quam gratuitò meruerunt, accepturos. Et licet neminem divini timoris contemendo iusjurandum arbitramus immemorem, ut saluti proprie uillum commodum anteponat, tamen ut ad salutis timorem etiam necessitas periculi subjungatur: si quis ausus fuerit præbita sacramenta negligere, non modo adversus accipientem, sed etiam adversus dantem accusandi cunctis tanquam crimen publicum concedimus facultatem: quadruplica pena eo, qui convictus fuerit, modis omnibus feriendo.* Et sic etiam in Ecclesiâ Carnotensi sequentibus temporibus his verbis conceptum fuit juramentum, quod refert, & adhuc fieri testatur Joh. Bapt. Souchetus ad Iwonis Carnotensi epist. 133. Ego N. canonizandus in Ecclesiâ Carnotensi juro super istas sanctas reliquias, quod pro ista præbendâ, cuius investituram expecto, non dedi, nec promisi, nec aliis pro me dedit aut promisit me sciente aurum, vel argentum, vel pecuniam aliquam vel aliud, quod per pecuniam aliquam debeat aut valeat comparari, & si promissum fuerit, per me non solvetur &c.

LXXI. Dum

LXXI. Dum ita quasi certarunt inter se circa disciplinam conservandam Respublica Ecclesiastica & civilis, præter communia utriusque, duo hæc præcipue argumenta urgere poterat Ecclesia, quoniam DEI donum vendi non potest, nec debet; deinde, quoniam, quod gratis acceptum est, gratis est dandum. Utrumque id uno verbo complexus est canon Chalcedonensis supra allegatus, dum ἀπεσταυ χάριν vocat, h. e. gratuitam, inæstimabilem, quæ vendi non potest, uti Dionyssius Exiguus vertit, non venalem & talem gratiam, quæ planè non est in commercio, & quæ gratis debet dari. Utrumque etiam urget Gennadius in decreto suo Constantinopolitano, dum ait: *Cum Dominus noster & DEUS Servator IESUS Christus suis discipulis Evangelii prædicationem credidisset, eosq; per universum terrarum orbem inter homines ad dicendum misisset, aperte jussit, ut quod gratis ab eo accepissent, eis quoque gratis darent, non aurum vel argentum, vel ullas alias omnino materiales & terrenas facultates pro eis acquirentes. Cœlestia enim & spiritualia dona nulla est cum terrenis & temporalibus commutandi ratio.* — — *A me, inquit, accepistis dignitatem sacerdotii, si mibi pro ipso parvum quid vel magnum solvistis, & hoc à me venditum est, vos quoque ipsum altis vendite; si autem gratis accepistis, vos quoque gratis date.* — — *V& illis revera, qui DEI donum acquirere, vel illud pro pecuniis dare in animum induxerunt &c.* Uti hoc decretum legitur in jure Graeco-Romano lib. 3. Et hæc eadem argumenta suæ etiam consti-tutioni inseruit Leo Imp. dum DEUM autorem nominat promotionis ad Episcopatum, cui certe nihil dari debet, qui gratis eam dignitatem largitur, & à quo gratuita planè accipitur gratia, dum porrò puras hominum mentes exigit, dumque sanctitatem incorruptam allegat, quæ sane incorrupta dici nequit, si vicissim non gratis detur, quod ex ea proficiuntur.

LXXII. Quod si quis gravitatem muneris Episcopalis, & pericula, quibus illud perpetuo expositum est, tūm & infirmitatem humanam, quā ipse affectus est, attentiū considerare secum velit, vix erit, ut vitam privatam agere non malit, quam in throno Ecclesiæ confistere. Præclarè Augustinus in epist. 148. ad Valerium presbyterum: *Nihil in hac vita & hoc maximè tempore facilius, latius, hominibusq; acceptabilius, Episcopi, presbyteri, Diaconi officio, si perfundorie & adulatoria res agatur; sed nihil apud DEUM miserius, tristius, damnabilius; nihil item difficilius, laboriosius, pericolosius, sed apud DEUM nihil beatus, si eo modo militetur, quo noster Imperator jubet. Quis autem modus sit, nec à pueritiâ, nec ab adolescentiâ didici, quoque tempore discere cœperam, vis mibi facta est, merito peccatorum meorum.* — — *Sed multo amplius quam putabam expertus sum, non quia novos fluctus tempestatem ve-vidi, quam antea non noveram, legeram, audieram, cogitaveram; sed ad eas evi-tandas aut perforandas solertiam & vires meas omnino non noveram & alicujus momenti arbitrabar: Dominus autem irrisit me, & rebus ipsis ostendere voluit*

418 CAP. V. *Electionem animo integro & incorrupto perfici,*
me ipsum mihi &c. Nec male proinde scripsit Chrysostomus hom. 3. in alia,
esse difficilius Episcopum, quam Regem agere.

LXXIII. Nec mirari adeò poterit quisquam, quod olim, cum sanctior
adhuc Ecclesia existeret, munus illud deprecati fuerint, nec nisi coacti su-
scepserint Viri summi & tūm pietate, tūm eruditione eminentissimi. Nos
ex multis paucos, eosque insigniores referemus, tantū ut ostendamus,
non defuisse in Christianā Ecclesiā, qui, ut vult constitutio nostra, cū ad
sacerdotium vocati essent, quæsiti fuerunt cogendi, rogati recesserunt, in-
vitati effugerunt, & omnino inviti ordinationem suscepserunt. Augusti-
num audivimus modo scribentem, vim sibi factam esse. Plenius id expo-
nit in ejus vitā Possidius. Presbyteratus nempe vacabat in Ecclesiā Hip-
ponensi. Valerius publicè id proposuerat, loci scilicet illius Episcopus:
Augustinus in populo securus & ignarus, quid futurum esset, adstabat, Eum ergo,
scit Possidius scribit, tenuerunt, & ut in talibus consuetum est, Episcopo ordi-
nandum intulerunt, omnibus id uno consensu & desiderio fieri perficiq; potentibus,
magnoq; studio & clamore flagitantibus, ubertim eo flente. Eodem Augustino
vivente maximus Hippone tumultus excitatus fuit propter Pinianum, qui
à populo, ut in presbyterium cooptari se pateretur, multis precibus flagita-
tus ægrè evasit, uti ipse exponit Augustinus in epist. 225. quæ est ad Albi-
nam Piniani matrem. Nec defuerunt eo tempore alii, qui à populo, quam-
vis renuentes, ad sacerdotium rapti, & ordinem, quem maxime averhaban-
tur suscipere coacti fuerunt. Multi, ait idem Augustinus epist. 204. ut Epi-
scopatum suscipiant, tenentur inviti, perducuntur, includuntur, custodiuntur,
patiuntur tanta quæ nolunt, donec eis adsit voluntas suscipiendi operis boni.

LXXIV. De Ephraim Syro referunt (Diaconus is fuit in Ecclesiā
Edessemā adulto jam seculo IV.) quod ad declinandum Episcopatum, qui
ei destinatus fuerat, insanum se & amentem simulaverit, donec aliis ordi-
natus esset. Hæc enim de eo sunt verba Sozomeni lib. 3. hist. Eccles. c. 16.
Qualiter verò inani gloriā superior fuerit, hinc intelligi potest. Decretum, quo
electus fuerat Episcopus, quidam ad eum attulerant, ac simileum comprehendere
conabantur, tanquam ad ordinationem duaturi. Id cū presensisset, statim infor-
rum cucurrit, ac indecorè incedens, & vestem trahens, & in publico comedens se
pro insano spectandum exhibuit. Ubi verò, qui illum comprehensuri venerant,
bominem mente captum esse arbitrati, appetere eum ulterius ac persequi desti-
runt, ille opportunitatem nactus aufugit, & eo usq; delituit, donec aliis ordinatus
fuisset. Hic igitur Ephraim vere fuit quæsitus cogendus, sed ne cogere-
tur, dum insanum se simulat, nec simulandi tamen artem calleret, etiam
recessit rogatus, & invitatus effugit, latebras tantisper quærens, donec
alius aliquis suffectus fuisset.

LXXV.

LXXV. Quantā cum animi repugnatiā & quam invitus ad presbyteratum promotus fuerit Paulinianus, Hieronymi frater, ipse exponit, qui eum ordinavit, Epiphanius epist. 60. ap. Hieron. Quuin celebraretur, inquit, collecta in Ecclesiā ville, que est juxta monasterium nostrum, ignorantem eum ¶ nullam penitus habentem suspicionem per multis diaconos apprehendi iussimus, ¶ teneri os ejus, ne fortè liberari se cupiens, adjuraret nos per nomen Christi: ¶ primum diaconum ordinavimus, proponentes ei timorem DEI, ¶ compellentes, ut ministraret. Valde quippe obnubebatur, indignum se esse contestans. Vix ergo compulimus eum, ¶ persuadere potuimus testimonialis Scripturarum ¶ propositio-ne mandatorum DEI. Et cùm ministraret in sanctis sacrificiis, rursus eum, in-genti difficultate tento ore ejus, ordinavimus presbyterum: ¶ iisdem verbis, qui-bus ante a sacerdotiis, impulimus, ut sederet in ordine presbyterii. Invitus icti, dum ordinatus fuit, non potuit indignus haberi Sacerdotio, quippe quos ita descripsit Imperator, ut supra vidimus. Hic fuit ille Paulinianus, cuius ordinationem, dum in causā fidei respondere non posset, impugnaverat Johannes Episcopus Hierosolymitanus, ex eo, quod penè puer presbyter constitutus fuisset; sed eam calumniam male propulsavit Hieronymus epist. 61. ¶ 62.

LXXVI. De Ammonio Monacho nota est Sozomeni lib. 6. c. 30. re-latio, quā ratione per amputationem auris & proprii corporis lāsionem promotionem ad Episcopatum evitaverit. Digna sunt verba, quæ adscri-bantur: Cūm aliquando cupiendus esset, ut Episcopus ordinaretur, nec rogando persuadere potuisset iis, qui ad ipsum capiendum venerant, ut abirent, abscessā sibi auriculā: abite, inquit. Post bac enim ne quidem si vellem, sacerdotalis lex me ordinari finit. Integri enim corporis Sacerdotem constitui oportet. Illi digressi, posteaquam intellexerunt, Iudeis quidem hęc observanda esse, Ecclesiam vero de corpore non curare, dummodo Sacerdos integer sit moribus, denuò redierunt, eum comprehensuri. Tum ille juravit, se linguam quoque sibi precisurum, si vim fa-cere tentassent. Quibus illi minis perterriti, abscesserunt. Hinc porrò factum est, ut Ammonius iste Parotes, id est, auriculā mutilus vocaretur. Similia de eo re-fert Socrates lib. 4. c. 23. Petrus Blesensis epist. 23. qui haud frustra narra-tionē præmittit: Quis bodiē à Pontificali onere se excusat? quis bodiē allegat insufficiētiam suam? quis bodiē invitus trahitur aut reclamat? ubi bodiē similiis Ammonio invenitur ¶ sc.

LXXVII. Ne prolixior sim in cogerendis exemplis, quandoquidem id jam diu plenā manu præstigit Claudio Espencæus Theologus Parisiensis digress. lib. 3. cap. 4. 5. 6. unicum adhuc addere lübet, idque maximē notabi-le, quod seculo IV. præbuit Ambrosius Episcopus Mediolanensis. Deces-serat Auxentius Ecclesiæ illius Antistes, qui unicus in Italiā adhuc labe Arianā infectus fuerat, & deliberabatur autoritate Valentiniiani Impera-

Ggg 2 toris

toris de novo Episcopo sufficiendo. Cumque in partes scissus esset populus Mediolanensis, nec satis convenire inter se cives possent, præter omnium expectationem tandem electus est Ambrosius, qui tum temporis illi provinciae præfectus erat. Rem totam, ut se habuit, describit Paulinus Presbyter in vita ejusd. cuius ipsius præstat audire verba. Post hanc, inquit, Consularitatis suscepit (Ambrosius) insignia, ut regeret Liguriam & miliamq. provincias, venitq. Mediolanum. Per idem tempus mortuo Auxentio Ariane perfidie Episcopo (qui Dionysio beatæ memorie confessore ad exilium destinato, incubabat Ecclesiæ) cum populus ad seditionem surgeret in petendo Episcopo, ejetq. illi cura sedandæ seditionis, ne populus civitatis in periculum sui verteretur, perrexit ad Ecclesiam. Ibiq. cum alloqueretur plebem, subito vox fertur infantis in populo sonuisse, Ambrosium Episcopum. Ad cuius vocis sonum totius populi ora conversa sunt, acclamantis Ambrosium Episcopum: ita ut qui ante turbulentissime dissidebant, quia & Ariani sibi & Catholicis sibi Episcopum cupiebant, superatis alterutris, ordinari repente hunc unum mirabiliter & incredibili concordia consenserint. Quo ille cognito egressus Ecclesiam tribunal sibi parari fecit, quippe mox futurus Episcopus altiora descendit. Tunc contra consuetudinem suam tormenta jussit personis adhiberi. Quod cum faceret, populus nihilominus acclamabat: peccatum tuum supernos. --- Tunc ille turbatus, revertens domum philosophiam profiteri voluit. --- Quod ubi ne faceret, revocatus est, publicas mulieres publicè a se ingredi fecit, ad hoc tantum, ut vijs bis populi intentio revocaretur. At vero populus magis magisque clamabat: Peccatum tuum supernos. At ille, cum vide-ret, nihil intentionem suam posse proficere, fugam paravit, egressusq. noctis medio civitatem, cum Ticinum se pergere putaret, mane ad portam civitatis Mediolanensis, que Romana dicitur, invenitur. Qui inventus, cum custodiretur a populo, missa relatio est ad clementissimum Imperatorem Valentinianum. --- Pendente itaque relatione iterum fugam paravit, atque in possessione cuiusdam Leonardi clarissimi Viri aliquandiu delituit. Sed ubi relationi responsum est, ab eodem Leontio proditur &c. Hanc Paulini relationem paraphrasi quâdam auctiorem fecit Cardinalis Baronius ad ann. CCCLXXIV. num. 4. seqq. Et est sane ea genuinum exemplum legitimate promoti Episcopi, qualem eum vult Constitutio Leonina. Plura nunc non addam, ne nimium excrescat nostra haec commentatiuncula.

LXXVIII. Fuerunt insuper, qui, ut Episcopatum declinarent, criminibus & flagitiis se inquinatos dixerunt, ingenioso hoc mendacio famam suam conspurcantes. Quos quidem, etsi falsa essent, quæ ita in vulgo de se sparsissent, ipsi, ad Episcopatum evehi noluit Concilium Valentinius l. c. 4. Nec illud, fratres, scribere alienum ab Ecclesiæ utilitate censuimus, ut sciretis, quicunque se sub ordinatione vel diaconatus, vel presbyterii, vel Episcopatus mortali crimine dixerint esse pollutos, a supradictis ordinationibus submovendos, reos

reos scil. vel veri confessione, vel mendacio falsitatis. Neq; enim absolvi in his potest, quod dictum in alios puniretur Et c. Canoni huic conformis est epistola Synodica ejusdem Concilii ad clerum & plebem Ecclesiae Forojuliensis: *Et licet non ignoraremus, multos verecundia Et nonnullos suscipiendi Sacerdotii metu trepidos, quae utique signa sunt sanctitatis, falsa in se rejiciendi honoris causa dixisse: tamen, quia omnium ferè ad ea, quae sunt pejora, proclive judicium est, Et materies disputationum ex obtricatione sacerdotum DEI queritur: sedit in Syndo, ut quisquis de se vel vera vel falsa dixisset, fides ei, quam suomet testimonio confirmaret, haberetur.*

LXXIX. Dispiciamus nunc, quid coactioni tali, qualem exigit Imperator, obverti communiter soleat. Et quidem vulgatum ferè hodiè est axioma, ad ministerium Ecclesiasticum neminem esse cogendum. Neque id quidem suo caret fundamento, quandoquidem Spiritus S. spontaneum exigit servitium. Psalm. CX, 3. & in specie a presbyteris requiritur, ut faciant officium μη ἀναγνωστέον, οὐδὲ ἐργάσιον, non coacte sed libenter. 1. Petri V, 2. Quò & referunt, quod dicitur Proverb. XI, 26. Qui abscondit frumenta, maledicetur in populis: benedictio autem super caput vendentium. Ex quo conficiunt, eum, qui ad Episcopatum idoneus est, si se ab eo statu spiritualia nimirum frumenta dispensandi subtrahat, illa abscondere, sibique maledictionem arcessere. Unde & Augustinus: *Qui electus ab Ecclesiâ ministerium evangelizandi Et baptizandi renuerit, ab Ecclesiâ ipsâ dignè meritoq; contemnitur, apud Gratianum, c. olim 8. q. 1.* Et Simplicius Papa ad Joannem Archiepiscopum Ravennatensem: *Denunciamus autem, quod si post hoc tale aliquid presumperis, Et aliquem talem seu Episcopum, vel presbyterum vel diaconum invitum facere posse credideris, ordinationes tibi Ravennatis Ecclesiae vel Aemilienis noveris auferendas: apud eundem Gratianum c. ubi, dist. 74.*

LXXX. Sed enim utrumque esse solet in vitio, & si nimium quis appetat Episcopatum, seque ingerat, & si oblatum recusat præfracte, nec se vinci precibus eligentium patiatur. Pessime ut plurimum cedere solet utrumque. Illò enim casu abusus, hoc verò non usus officii metuendus est. Quippe si quis coacte rem agit, plerumque agit, non ut debet. Qui verò cum temeritate & audaciâ quâdam rem aggreditur, insolentiū agit & perversè. Per coactionem autem non simpliciter omnem intelligo, sed talem, quae fit vi extrinsecus adhibitâ, quanquam etiam hanc aliquando, si Ecclesiæ salus obtineri aliter nequeat, non necessariam tantum existimem, sed optimè etiam cesisse, superiora, quae tamen extraordinaria ferè sunt, doceant exempla. Cæteroquin sicuti τὸ εὐστον suos habet gradus, ita & coactio explicanda est. Invitus est, qui cum posit, vel simpliciter reluctatur, vel ob certas & probabiles causas prætextu indignitatis suæ & difficultatis ad sensum suspedit. Qui simpliciter reluctatur, ex contemptu ministerii, aut ex pertinaci

Ggg 3 in-

inobedientiâ, indignus est tâm sancto officio & potius rejici, quâm cogi debet; Qui vero ob certas quamvis insufficientes causas tergiversatur, ille ostensâ illarum futilitate convincendus, persuationibus ac increpationibus, si opus fuerit, cogendus est. Sed hæc coactio non est herilis aut violenta, adeoque nec propriè dicta. Itaque cum invitum ordinari vult Constitutio Leonina, & quæri cogendum, non hoc præcisè exigit, ut obtorto collo quis rapiatur ad altare & in Episcopum ordinetur, sed per contrarium demonstrat, non esse ambitiosius quærendum Episcopatum, nec sifenter & cum flagranti quâdam animi cupiditate appetendum. Invitus enim hic dicitur, qui mallet non ordinari, qui cum aliquâ animi molestiâ ad altare ducitur, qui deprecatus istud officium non auditur, qui ægrè persuadetur, ut munus delatum suscipiat. Hi tales enim plerumque suo optimè defunguntur officio, & quod necessarium ab initio fuit apud eos, deinceps resolutur in voluntarium.

LXXXI. Benè Thomas Aquinas in 2.2. q. 185. a. 2. dum objectio nem ex Proverb. XI. petitam considerat, respondet, dispensationem spiritualium non cuiusvis arbitrio faciendam, sed DEI primum dispositione, deinde prælatorum, qui DEI ministri, Christique ministrorum dispensatores sunt. *Hic ergò frumenta non abscondit, qui ab aliorum gubernatione vacat, si ei nec ex officio competit, nec à superiori injungitur: sed is, cui id alterutro modo incumbit, & recipere pertinaciter renuit. In Episcopatus itaq; assumptione duo consideranda: prius, quid hominum facere deceat juxta propriam voluntatem: posterius, quid juxta alienam. Ex illa convenienti homini proprie saluti insistere, ex bdc, quo d' alterius saluti incumbat, id verò ex dispositione alterius potestatem habentis competit. Ad inordinatam voluntatem pertinet, ut proprio motu ad præfecturas & officia efferri, ita contra majorum injunctionem aliorum gubernationem omnino & ut sic dicam finaliter recusare: quia id repugnat tûm proximorum charitati, quorum utilitati se pro loco & tempore exponere, tûm etiam humilitati, quâ superiorum mandato se subjecere quisq; debet &c.* Et in hunc modum rô invitum etiam explicare solet glossa, cuius interpretationes sparsim inventus congeslit Guilielmus Redoanus de Simoniâ part. 2. cap. 7.

LXXXII. Ut ad contrariam Simoniacæ pravitatis descriptionem redeamus, plurima communisci solent, quibus excusatum reddi debeat istud crimen. Et videtur Antonius Episcopus Ephesinus, propter cuius avaritiam canonem secundum Concilii Chalcedonensis compositum fuisse dixi supra, subtiliter admodum excogitasse, quod titulum facinoris speciosum præ se ferre posset. Venundabat enim ille ordinationes Episcoporum secundum valorem annum redditum Ecclesiæ, sive pro modo redditum, ut ait Palladius in vit. Cbryostomi, & sic non ordinationes, nec electiones, sed redditus ipsos & jus percipiendi eosdem materiam faciebat suæ nundinatio-
nis

nis. At vero reditus isti nemini competere poterant, nisi qui per ordinationem jus percipiendi obtinisset, neque Ecclesiae tradebantur, nisi per ordinationem; neque etiam electio antecedebat, nisi ad ordinem postea consequendum. Atque idcirco omnia comprehendebantur damnatione illâ, quæ gratiam commercio exponebat. Licet igitur ad officium Ecclesiasticum pertineat jus percipiendi reditus illi officio destinatos, idque jus secundum se & in abstracto consideratum pretio estimabile sit; istud tamen ita illi conjunctum & connexum est, ut non nisi ob illud seu propter illud aliqui competere posit. Dantur enim reditus illi tanquam debitum stipendium propter officium sive ministerium spirituale. Consequenter si alicui vendatur jus percipiendi istos reditus, venditur etiam illi jus spirituale exercendi officium: cum sine eo stipendium officii Ecclesiastici neque esse neque intelligi posit. Optimè in hanc rem Paschalis Papa apud Gratianum c. si quis 1. q. 3. Si quis objicerit, non consecrationes emi, sed res, quæ ex consecratione proveniunt: penitus despere probatur. Nam cum corporalis Ecclesia, aut Episcopus, aut Abbas, aut tale uliquid sine rebus corporalibus in nullo proficiat, sicut nec anima sine corpore corporaliter vivit: quisquis horum alterum vendit, sine quo nec alterum provenit, neutrum invenditum derelinquit. Nullus igitur emat præbendam vel Ecclesiam, vel aliquod ecclesiasticum, nec pastellum nec pastum antea, nec postea pro hujusmodi solvat.

LXXXIII. Qui ab Antonino Episcopo Ephesino pecuniâ data ordinati fuerant, illi se tuebantur consuetudine, & juxta morem receptum pecunias à se datas allegabant. Planè, ut sequentibus temporibus invaluit, ut cum excusari nullo modo crimen hoc posset, & iteratis constitutionibus subinde reprimeretur, perpetuo ad consuetudinem inveteratam recurretur. Improbatum fuerat Ivo Episcopo Carnotensi, quod in Ecclesiâ suâ conniveret ad ejusmodi ordinationum commercia, nec radicitus eveleret crimen tam detestandum. Excusat le Ivo, & quantum ei rei impenderit studium, exponit. Sed mox addit: Si qua adhuc sunt, quæ pro consuetudine antiquâ publicè exigant Decanus, & Cantor, & alii ministri ab his qui Canonici sunt, me contradicente & persequente, Romane Ecclesie consuetudine se defendunt, in quâ dicunt cubicularios & ministros sacri palatii multa exigere à consecratis Episcopis vel Abbatibus, quæ oblationis vel benedictionis nomine palliantur, cum nec calamus nec charta gratis ibi, ut ajunt, habeatur. Et hoc quasi lapide conterunt frontem meam, cum non habeam, quid respondeam &c. Scripsit hæc Ivo in epist. 133. ad Richardum Legatum Ecclesiae Romanæ, ut quasi retorqueret, & in Ecclesiam Romanam coniceret, quod sibi & suæ imputabatur Ecclesiæ.

LXXXIV. Sanè multa tribuuntur in actionibus humanis consuetudini, quæ aliquando in voluntatem hominum aliquod sibi vindicat imperium.

perium. Et tolerabilia hinc dicit JCtus, quæ vetus consuetudo comprobat, l. 13. in fin. ff. de pollicitat. Et proinde, qui consuetudinem civitatis secutus peccat, non dolo id facere videtur, sed quod putet jure fieri. Veruntamen si mores, quos sequimur, juri divino, aut rectæ rationi repugnant, nullum ex eis peti potest præsidium. Mala enim consuetudo non minus, quam perniciose corruptela abicienda & vitanda est: quæ nisi citius radicitus evellatur, in privilegiorum jus ab impiis assumitur, & incipiunt prævaricationes & variæ prælumptiones celerrimè non compressæ pro legibus venerari, & privilegiorum more perpetuo celebrari, cap. 4. dist. 8. Nec verò vincere legem talis consuetudo, neque excusari ullâ ratione potest, sed tanto diutius infelicem animam afflit, atque Ecclesiam ut & Remp. laedit, quanto majore tempore toleratur. Dd. ad c. fin. §. de consuetud. Atque hinc damnatur talis consuetudo in articulo X. instructionum, quas patriarcha tempore ordinationis suæ dabat metropolitanus, in Jure Græco-Rom. lib. 6. Quapropter hæc (Simonia) omnino exscindenda venit, ac ne consuetudinibus quidem (ταῦς λεγομέναις αὐτοφείαις) quas vocant, aditus & fenestra patefacienda est. Etenim hæc que dicuntur consuetudines, uti cum avaritiæ morbo irreperunt: ita non minus quam hæc, siquidem non etiam magis ad condemnationem pontifices, qui harum participes facti deprehenduntur pertrahunt, quandoquidem sub honestâ larvâ Simoniæ hæresis exercetur.

LXXXV. Alium insuper colorem, quo facta sua incrustare solent Simoniaci, commemorat, & detergit Nicolaus de Clemangis de præsul. Simoniac. his verbis: Sed audiamus, quam pulchro pallio suum crimen obumbrant. Non, inquit, ordinem vendimus, nec pro ordine ista dantur, sed pro Literâ. pro Sigillo. pro Notario. Solet plerumq; mentiri iniquitas sibi & declinare cor suum in verba malitia ad excusandas excusationes in peccatis. Finguntur profecto ista, non vero dicuntur. Nam & sapè viisi sunt, qui ut scelus Simonicum isto mendozo velamine obtectum effugerent, literas habere noblebant, & tamen pecuniam dare alioqui non ordinandi cogebantur. Imò verò ne ordinati solvere recusent, non ante a eorum nomina in chartâ ordinandorum inscribuntur, quam postulatam à se summan tradiderint, quæ in cuius cedat emolumentum, prælatine an sui scribæ, testis est DEUS, testis etiam potest esse scriba ipse. Sed esto in notarii cederet commodum, quæ ratione aut æquitate sit, ut Episcopus suo notario de alienâ satisfaciat pecuniâ inter tantam multitudinem effeminatae familie suis sumtibus pastæ. Unum congruenter potest habere notarium sibi in rebus honestis & spiritualibus, & ad Pontificalem maximè dignitatem pertinentibus servientem, cui sicut cætera familiae, de propriis reddat mercedem facultatibus, ne ille cum gravissimâ ipsius Episcopi infamia talibus cogatur angariis illos, qui ordinandi sunt, opprimere. Sed quid opus est de sigillo, de literâ, de notario plura loqui, cùm in sanctis sit expresse cautum.

cautum canonibus, ne aliquid etiam pro calamo liceat sumere, quo uno verbo bæc omnia sollicita vigilantia excluduntur &c.

LXXXVI. Priscā ac nimis durā severitate utitur Clemangius, & omnino ex mente Leonis Imperatoris, quiq[ue] tūm temporis Ecclesiam Constantinopolitanam gubernavit, patriarchæ Gennadii. At enim, quantæ interea temporis (millenarius is prope est inter Leonem & Clemantium) exortæ fuerint circa disciplinam Ecclesiasticam mutationes, prolixum hīc nimis esset singulatim exponere. Vix septuaginta à promulgatione Constitutionis Leoninæ excesserant anni, cūm ita invaluit consuetudo in contrarium, ut evellere eam & abrogare desperaret Justinianus Imperator, sed circumscribere & certis limitibus coercere satius duceret. Nec verò deerat illis, qui consuetudinem illam continuabant, prætextus, & honesti nominis species. Quod enim Episcopis, qui in ordinatione præsentes erant, dabatur, enthronisticum sive inthronisticum dicebatur propter thronum scil. sive cathedram adeptam, aut, uti hodiè vocari solet, propter installationē. Julianus antecessor Constantinopolitanus redidit per cathedralicū. Sed cathedralicū communiter dicitur illud, quod Episcopo pro honore cathedræ solvit in signum subjectionis, quodque in duobus solidis consistere voluit Concilium Bracarense II. cap. 2. & Toletanum VIII. c. 4. Quod verò Clericis & Notariis dabatur, qui in eā ordinatione ministrabant, συνήσια vel consuetudo in specie dicebatur. Quales consuetudines, quod ex charitate proficerentur, obligationem inducere, communiter statuunt Canonistæ. Vid. Joh. Papon. lib. 1. tit. 12. ares. 1.

LXXXV.I. Operæ precium erit ipsum nunc audire Justinianum, ut consuetudini & præstationibus illis modum præscripsérit, novell. 123. cap. 3. Pro consuetudinibus autem, inquit, illa sola permittimus præberi ab ordinatis Episcopis, quæ subsequenter præsenti legi inserta sunt. Jubemus igitur beatissimos Archiepiscopos & Patriarchas, hoc est, Senioris Rome & Constantinopoleos, & Alexандrie, & Theopoleos, & Hierosolymorum, si quidem consuetudo babet Episcopis & Clericis in eorum ordinatione non minus quam viginti auri libras dari, ipsa solummodo præberi, quæ consuetudo recognoscit. plus autem ab hac quantitate nibil supra viginti auri libras præberi. Metropolitas autem à propriâ Synodo, aut à beatissimis Patriarchis ordinatos, & alios omnes Episcopos, qui aut à Patriarchis, aut à Metropolitis ordinantur, dare pro inthronisticis quidem solidos centum: Notariis autem ordinatis, & aliis ministrantibus ei & solemniter accipientibus solidos trecentos. Si verò Ecclesiæ redditus minus quidem quam triginta auri libras per annum reddant, non minus autem quam decem: dari pro inthronisticis solidos centum; aliis autem omnibus, qui ex more capiunt solidos 200. Si verò minus quidem quam decem, nou minus autem quinq[ue] auri libras Ecclesiæ redi-

H b b

redi-

reditus esse contigerit, pro inthronisticis quidem dari solidos quinquaginta, omnibus autem aliis ex consuetudine percipientibus, solidos ducentos. Si autem minus quam quinq^u, non minus autem duas auri libras Ecclesia reditus habeat, pro inthronisticis solidos decem & octo: omnibus autem aliis ex consuetudine percipientibus solidos 24. Si autem minus tres, non autem quam duas auri libras quantitas redditum Ecclesia comperiatur, dare pro inthronisticis quidem solidos duodecim, pro omni vero alia consuetudine solidos sex. Episcopum enim Ecclesia minus duas auri libras reditus habentem, neque pro inthronisticis neque pro alia qualibet consuetudine dare aliquid permittimus. Hec autem quae preberi disponimus, primus presbyter ordinans Episcopi & Archidiaconus suscipientes, ex consuetudine percipientibus dividant haec. Igitur jubemus haec omnibus modis observari: ut non ex talibus occasionibus Ecclesia debit^{is} prægraventur, & sacerdotia venalia fiant. Si quis autem ultra quantitatem à nobis definitam pro inthronisticis aut consuetudinibus quolibet modo præsumat accipere: jubemus quicquid plus accepit, triplum ex rebus ejus vindicari Ecclesia dantis.

LXXXVIII. Non introduxit Justinianus has præstationes, sed introductas represerit, & ad certum modum reduxit. Modus constituit in eo, quod, si Patriarcha aliquis ordinari debuit, præstationes istæ excedere non deberent libras auri viginti, hoc est, 140. aureos; si Episcopus, quod non deberent excedere solidos trecentos. Et modus ille constitutus fuit ad modum & rationem redditum cujusque Episcopatus. Quæ proportio non multum abit, imò vero planè convenit cum eâ, quam observari voluit Antoninus Episcopus Ephesinus, sed cuius facta, ut supra dixi, approbare noluit Concilium Chalcedonense. Nec approbasset forte Justinianus, nisi consuetudini isti eradicandæ imparem le sensisset. Non iniqua tamen haec videri poterat Justiniani constitutio, propterea, quod ex pluribus disstis locis convenire oporteret Episcopos, si qua ordinatio facienda esset, à quibus, ut suis sumptibus negocium hoc aggredierentur, postulari haud poterat, præsertim cum aliquot s^ep^{te} dies commorandum esset, antequam plenè expedirentur omnia. Reliquis vero Clericis & Notariis, quos præsentes esse oportebat, non iniquum videbatur, si aliquod offerretur honorarium, idque intra certum modum co^rceretur. Eaque propter noluit Imperator, ut ordinatus præstationes istas distribueret ipse, sed ut eos daret primo presbytero & Archidiacono, qui deinceps ex consuetudine percipientibus dividerent, ne scil. ultra quantitatem definitam daretur aliquid aut acciperetur, neve Ecclesiæ debit^{is} prægravarentur & sacerdotia venalia fierent.

LXXXIX. Ut præterea, quæ hic permisit Justinianus, præstaretur quid amplius, levere prohibuit, non in hoc tantum capite, sed etiam cap. 16. ubi addidit, præstationes istas ordinantium ministris fieri solitas, excedere non

non debere emolumenta, sive ut Haloander vertit, diaria unius anni. Sed quia usū invaluerat, ut Episcopus noviter ordinatus etiam suæ propriæ Ecclesiæ, ad quam destinatus fuerat, ministris aliquid daret pro insinuatione, h. e. pro inscriptione in matriculâ illius Ecclesiæ, quod emphanisticon dicebatur, noluit Justinianus id tolerare, sed modis omnibus prohibuit: *In sanctâ, inquit, Ecclesiâ, in quâ constitutur sacrum completere ministerium, & nulla penitus propriis Clericis dare pro suâ insinuatione: nec ob banc causam propriis emolumentis, aut aliis portionibus hunc privari. scil. permittimus.* Et quamquam propter emphanisticon istiusmodi aliam specialem legem ediderit in novell. 56. exceptit tamen ibi sanctissimam majorem Ecclesiam Constantinopolitanam, in quâ consuetudinem istam abrogare noluit. propterea, ut videtur, quod in hac Ecclesiâ, non ita ut in cæteris, avaritia invaluisse. Sic enim ibi loquitur: *Qui ordinantur à tuâ reverentiâ clerici in sanctissimis Ecclesiis (absque tamen sanctissimâ majori Ecclesiâ) omnium patiuntur crudelissima, non suspicentibus eos illic Ecclesiis, antequam, quantum voluerint, accipient aurum &c.*

XC. Viguisse videtur ista ab Justiniano ita circumscripta consuetudo usque ad annum Christi DXCV. quippe quo in Concilio Romano à se habito Gregorius I. Papa omnem illam, quam admiserat Justinianus, præstationem proorsus prohibuit, ita ut nihil omnino dare vel accipere deinceps quocunque nomine & colore liceret. Decretum insertum est Registro epistolarum, & legitur lib. 4. epist. 44. Antiquam Patrum regulam sequens nibil unquam de ordinationibus accipiendo esse constituo, neque ex datione pallii, neque ex traditione chartarum, neque ex eâ, quam nova per ambitionem simulatio invenit appellatione pastelli. Quia enim ordinando Episcopo pontifex manum imponit, Evangelicam verò lectionem minister legit, confirmationis autem ejus epistolam Notarius scribit, sicut Pontificem non decet manum quam imponit vendere: ita minister vel notarius non debet in ordinatione ejus vocem suam vel calamus venundare. Pro ordinatione verò, v: l pallio, seu chartis atque pastello eundem qui ordinandus vel ordinatus est, omnino aliquid dare prohibeo. Ex quibus predictis rebus, si quis hinc aliquid commodi appellatione exigere vel deferre forte presumperit, in districto DEI omnipotentis examine reatu subjacebit. Ut vires acciperet hæc sua prohibitio, & ut omnino tolleretur recepta hactenus consuetudo plurimis epistolis tum Regem Childebertum, tum verò præcipue Episcopos sui officii admonuit, quas recensere nunc nihil attinet. Non inficiatur tamen, posse Episcopum ordinatum ex liberalitate aliquid dare, sed extra respectum ordinationis acceptæ. Is autem, inquit, qui ordinatus fuerit, si non ex placito, neque exactus, neque petitus post acceptas chartas & pallium aliquid cuilibet ex clero gratia tantummodo causâ dare voluerit, hoc accipi nullo modo prohibemus: quia ejus oblato nullam culpæ maculam ingerit,

Hbb 2 que

que ex accipientis ambitu non proceperit. Ceterum quod supra dixit de pastello, videtur id provenisse ex eo, quod cum ordinati prandio excipere antea solerent ordinatores ejusque ministros, successu temporis pro prandio pecuniam dare cogerentur. Et has sordes reprehendit Gregorius.

XCI. Utrum id, quod summam cum animi contentione conatus fuit, obtinuerit Gregorius, dubitare nos facit Concilium Cabilonense, quod anno DCL celebratum fuit. Quorsum enim can. 16. prohibuisset, ut nullus Episcopus, neque presbyter, vel Abbas seu diaconus per premium ad sacrum ordinem a modo penitus accedat. Quod qui fecerit, ipso honore, quem premiis comparare presumperit, omnino privetur. Nisi fuissent eo tempore, qui contra prohibitionem Gregorii Simoniam commisissent? Imo vero jam tum tempore Gregorii aeo adhuc propiore, anno scil. DCXV. in Concilio Parisiensi V. can. 1. statutum fuit, ut Episcopus absque ullo commodo vel datione pecunie eligatur. Qui canones arguunt, non usquequa observatum fuisse decretum Gregorii. In Graecâ vero Ecclesiâ, et si severè admodum prohibita esset talis nundinatio, enthronisticum tamen sive inthronisticum nihilominus dabatur, non ordinatori quidem amplius, aut reliquis Episcopis, sed Clericis pauperioribus. Constat id ex mandato, quod dari solebat Metropolitano & Archiepiscopo, cum ordinabatur, quodque refertur in Jure Graeco-Rom. lib. 6. Ejus sub num. 10. haec sunt verba: Nec item propter abbatis vel archimandritæ vel legati præfessionem, imo ne quidem propter institutionem Oeconomi, vel majoris, quod horribilis denique non propter ordinationem Diaconi, vel Presbyteri, vel Episcopi quidquam prorsus ullo modo, nec ante ordinationem, nec post ordinationem sumere convenit. -- Atq. hanc ob causam statuimus, ut inthronismus, quem vocant, non ei, qui ordinat Episcopum, (abfit, ut hoc fiat) sed pauperioribus Clericis, vel alio quadam ecclesiastico munere fungentibus ratione facultatum Ecclesiasticarum habita detur. Quippe si locuples sit Episcopatus, ne quaquam prohibemus, quo minus in eos, qui ministeriis Ecclesiasticis inserviunt, & in opem vitam traducunt, velut ex beneficentia manuscula quadam conferantur.

XCH. Dum vero circa annum DCCXLIV. Zacharias Papa multis verbis se purgat ab Simoniae crimine, per Bonifacium Archiepiscopum sibi objecto, epist. 5. facile licet inde colligere rationem, cur Bonifacius, cum antea pro tribus Archiepiscopis in Gallia pallia ab eo postulasset, mutata sententiâ unum tandem petierit pro uno Grimone. Crediderat scil. rumori, tam cara Romae esse pallia, ut illis comparandis vix ullae sufficienter Ecclesiæ. Sed Pontifex neque pro palliis sese expetere quicquam, neque pro chartis aliquid accepisse docet, & anathema dicit illis, qui secus fecerint. Sed quod ita de se prædicavit Zacharias, vix sibi omnes tribuere potuerunt Episcopi reliqui. Certè ex Nicolao Aragonio Cardinali circa annum MLV. notat

notat Cardinalis Baronius num. 16. eo tempore Simoniacam hæresin totam Italiam & Burgundiam occupasse. Clam enim hominibus cum perpetrari ista talia soleant, non prius animadverti possunt, quam post plurimum infectionem & reatum. Ejusque rei exemplum sumi potest ex actis Concilii Remensis anno MXLIX. habitu, ubi plurimi semetipsoz criminis ejus reos prodiderunt Episcopi. Imo vero ipsam etiam Romanam sedem non toto post Zachariam seculo labe ista contaminatam fuisse docet caput II. Concilii Parisiensis VI. celebrati anno DCCCXXIX. Proinde oportet, ut in electione Sacerdotiorum, valde execranda Simonica hæresis, quæ propter quorundam avaritiam & ambitionem modernis temporibus dignitatem Sacerdotalem fuscare comprobatur, nihil sui detectandi juris habeat. — Quæ etiam DEO odibilis pestis primum necesse est, ut Imperiali autoritate & potestate cum consensu venerabilium Sacerdotum, à Romana Ecclesiâ amputetur: quoniam si caput languerit, membra incassum vigeant necesse est Eccl. Possent propiora Zachariæ ævo tempora allegari, quibus inquinata hoc vitio Romana sedes dicta fuit, si quidem credendum esset Tarasie Patriarchæ Constantinopolitanæ epistola, quam scripsit ad Hadrianum Pontificem Romanum, prout ea latinè legitur in Jure Græco-Rom. lib. 3. & adducitur à Baronio ad ann. 787. n. 61. In illâ enim hæc leguntur verba: *Fraterna ergo vestra sacerdotalis sanctitas, quæ non jure nec ex DEI voluntate pontificale munus administrat, magna laborat infamia.* Quæ verba faciunt, ut & Baronius d. l. n. 60. & Severinus Binus tom. 3. Concil. pag. 262. imposturæ reum faciant Theodorum Ballamonem, quod dolosè epistolam hanc suppulerit. At verò si Græcos istorum verborum legatur contextus, qualem eum sustinet jus Græco-Romanum, & cum versione latinâ exhibit Guilielmus Beveregius in *Synodico Ecclesie Græce*, tom. 2. pag. 184. planè contrarium inde evincitur. Sic enim se habent: *Ἡ ἀναδελφικὴ ὑμῶν ἱεροπέπτης δέχεται τὸν ἐνθέτων, καὶ τῷ θεῷ βέλητη πενταεύσοι τὸν ἱερορχικὸν ἀγιστίαν, διαβίντον ἔχει τὸν δόξαν.* i. e. Fraterna ergo vestra sacerdotalis sanctitas, quæ legitimè atque ex DEI voluntate pontificale munus administrat, per celebrem habet gloriam. Non est igitur, quod ita succenseant Ballamoni Baronius & Binus, quibus plerumque vapulat ille, si quid vel pro περιεργίᾳ Sedis Constantinopolitanæ, vel contra Sedem Romanam scriperit singulare.

XCIII. Ad praxin lequieris Ecclesiæ si descendendum fuerit, p. ora semper invenientur & frequentiora exempla. Fundamentum & rationem ejus rei ita explicat Petrus Svavis in hisp. Conc. Trid. lib. 6. In Occidentali (Ecclesiâ) bonis licet frementibus, negotiatio alibi magis, alibi minus obtinuit ad usq; annum salutis millestimum, quo tempore facta inter ordinationem & collationem beneficii distinctione, ordinatio cœpit gratuito concedi, sed in collatione precium ex-

430 CAP. V. Electionem animo integro & incorrupto perfici,
i^gi manifestius. Ex eo crevit semper abusus, variis imponitis denominationibus,
utpote annatarum, minutorum servitiorum, scripture, sigilli, & istiusmodi tegu-
mentorum, quibus cooperatus grassatur per Ecclesiam, exigua spe ejus aliquando
tolkendi, quoad Christus ipse aliâ vice nummulariorum mensas evertat, & flagello
nundinatores istos è templo ejiciat. Verum ordinationi, que à collatione bene-
ficii separata gratis administrabatur, non diuturnum fuit id gaudium. Episcopi
enim spreta ea, tanquam abjecta & infrustruosa ad alteram solam, unde emolumen-
tum percipiebant, erant attenti. Unde à veris Episcopis in solo temporali admis-
trando occupatis, relitta pedetentim ordinationum administratione instituti epi-
scopi titulares, qui ministeria Episcoporum Ecclesiastica obirent. His, quod re-
ditus nullos possiderent, necessum erat è functionibus, quas obibant, sibi vitumpa-
rare: i^g vicissim, quos ad ordines admittebant, bis aliquid conferre cogebantur,
primum eleemosynæ nomine, sive oblationis, dein honoratore titulo donationis, ac
denique ne, cùm debitum esset, omittetur, imposito nomine mercedis, nonque
Episcopo ordinanti, sed famulis ejus, aut tabellioni, aut aliis inter ordinandum mi-
nistrantibus cederet.

XCIV. Hinc igitur tot in scriptis veterum inveniuntur querelæ, qui-
bus pessimos seculi sui mores detestantur, & Ecclesiasticam disciplinam,
pristinamque integratatem revocatam cupiunt. Glaber Rodulphus, cu-
jus antea feci mentionem, Historicus & vii non contemnendus, lib. 2. c. 6.
ex professo quasi satyram scribit, inter alia his verbis: *Jamadudum muneribus*
mentis excœcatis penè universis Principibus deservit hæc pestis, longe lateq; in ecclæ-
siarum quibusq; prælatis toto terrarum orbe diffusis, deniq; omnipotentis Christi
Domini gratuitum ac venerabile donum ad propriæ damnationis cumulum con-
verterunt in avaritiae lucrum. Ideoq; hujusmodi videlicet prælati tanto minus ad
divinum peragendum opus inveniuntur idonei, quanto constat, quia non ad illud
accesserunt per aditum principalis ostii. Et licet adversus talium personarum pro-
pacitatem multipliciter clamet sacrarum Scripturarum canon, nunc tamen soli-
to multi iplicius comperitur fieri in diversis Ecclesiistarum ordinibus. Nam ipsi Re-
ges, qui sacre religionis idonearum decretores personarum esse debuerant, mune-
rum largitione corrupti, potiorem quempiam ad regimen Ecclesiistarum vel anima-
rum dijudicant illum videlicet, à quo ampliora munera suscipere sperant. Atq;
idcirco permaxime quiq; procaces ac turgore superbiae inflati, sese ultrò cuiq; præ-
lationi ingerant, minus formidantes incurrire lapsum neglectæ pastoralis curæ, quo-
niam tota solummodo illorum fiducia pendet ex loculis collectæ pecuniae, non ex per-
ceptæ donis sapientiae, tantoq; amplius adepto regimine student avaritiae, quando
constat propriam ex illâ ambitionem implesse: ac velut idolo sibi pro DEO con-
stituto illi serviunt, per quam scilicet informati ad tale nomen absq; merito vel ope-
re proruperunt, sitq; minus cautis deceptoria imitandi forma, ac perinde vicissim
con-

contumax inadvertia &c. Plura sequuntur, quibus crimen hoc graviter persequitur.

XCV. Pelagius Alvarus Episcopus Sylvensis seculo XIV. scripsit & edidit insigne opus de planctu Ecclesiae, in quo tum ipius Papae, tum Cardinalium, tum & praelatorum aliorumque Sacerdotum vitia acerrime perstringit. Inter alia de praelatis lib. 2. art. 9. ita plangentem facit Ecclesiam: *Pro pecuniis celebrant. Corpus Christi pro pecuniâ vendunt, pro pecuniis consecrant & ordinant, pro pecuniâ omnia conferunt Sacra menta. Sacra menta emunt, Sacra menta vendunt, sed gratiam non conferunt, quam non habent. Nihil datur gratis, nihil accipitur gratis.* Et art. 7. *Ordinationes in Ecclesia, prout communiter auro emuntur, auro venduntur, auro Sacra menta emuntur, & aurum querunt.* Eodem modo Aeneas Sylvius, qui postea Pontifex creatus fuit, epist. 56. *Nihil est, quod absq[ue] argento Romana Curia dedit.* Ipsa manuum impositio, & Spiritus S. dona venduntur, nec peccatorum venia nisi nummatis impenditur. Et Antonius Florentinus Archiepiscopus in Chron. part. 3. tit. 22. ad ann. 1388. Tempore hujus Bonifacii curia infamis habebatur de labe Simonie, ut beneficia non tam meritis conferrentur, quam plures pecunias afferentibus. Et replevit orbem terrarum indulgentiis plenariis, ita ut parva Ecclesia in suis festivitatibus parvo pretio eas obtinerent.

XCVI. Ne nimius sim in coacervandis ejusmodi testimoniis, unicum adjicere libet Franciscum Petrarcham, qui in lib. 1. de remed. utr. fort. dial. 107. hunc in modum de pontificatu maximo verba facit: *Solebant primi ex hoc statu ad martyrium peti. Nunc ad delicias vocari credunt, ideoq[ue] certatim hic locus appetitur, & buc omnium fermè mortalium vota suspirant.* Quis autem vel Romanum vel quemcunq[ue] pontificatum aliam cupit ob causam, nisi quo potentior ac ditior sit? Contra iustitie preceptum praesesse queritur non prodesse, quodq[ue] sacerdilegium pudendumq[ue] vel dictu est, magnis s[ecundu]m muneribus, quin & pacis & sponsoribus spes emitur sacerdotii pinguioris. O vertigo morum pessima, ad quod olim consueverant & deberent cogi homines, inde nunc retrabi non possunt, & tam præceps servet ambitio, ut non Christianus pudor ac modestia videatur, sed ardor & pervicacia pagorum, quam in hujusmodi petitionibus tantam suisse didicimus, ut de Julio Cæsare leatum sit, quod pontificatum maximum petiit non sine profusissima largitione, in quam reputans magnitudinem eris alieni, cum manè ad Comitia descenderet prædicti se matri osculant fertur, domum se nisi Pontificem non reversurum; nec fecerit, Pontifex est reversus. --- At Christiano homini, cui propositum sit servire, dominiq[ue] sui jugum ferre, pontificatum, quomodo licet ambire non video, non modo largitione profusissimā, sed quod non multo minus est turpe, blanditiis atq[ue] mendaciis, indignis Viro artibus, sed communibus adeo, ut hac ferè jam unica sit in altum via.

XCVII. Qui-

XCVII. Quibus ita sufficienter explicatis, nulla nunc nobis cura est de cavillationibus Moralistarum, uti vocantur, quando illi omne suum studium ponunt in eo, ut per mentis directionem illicitum constituatur ingenere licitorum. Hæc enim quotidiana eorum hodiè est speculatio. In specie de Simonia scribit Gregorius de Valentia tom. 3. disp. 6. q. 16. p. 3. Dupliciter potest quis conferre spirituale propter temporale principaliter & tanquam propter finem. Uno modo, si temporale estimet pluris, quam ipsum spirituale; Et tunc omnino committit talis Simoniam. Altero modo potest quis conferre spirituale propter temporale principaliter, tanquam propter finem, ita ut temporale apud eum non sit finis ipsius rei spiritualis. Quasi temporale pluris ab eo quam spirituale estimetur; sed tantummodo voluntatis sive applicationis animi ad actum conferendi spirituale: Et hoc non est Simonia. Et paulo post: Cum petitur temporale pro Spirituali, non tanquam pretium debitum ex justitia, sed tanquam finis applicationis animi ad conferendum spirituale, minimè erit Simonia, etiam si principaliter intendatur & expectetur. Eadem est sententia Tanneri Jesuitæ: Quando, inquit ille, datur spirituale propter temporale vel contra, solum tanquam propter motivum aut solum ex gratitudine & per aliquam compensationem gratuitam, non accedit Simonia, saltem in foro conscientiae, atq; id procedere ait, tametsi temporale sit principale motivum dandi spirituale, imo etiamsi sit finis ipsius rei spiritualis, sic ut illud pluris estimetur, quam res spiritualis. Exagitat istas sententias & perstringit Ludovicus Montaltius epist. provinc. 12. Hæc est scilicet subtilitas illa & industria Theologiae accommodatitiae quam vocant, & hi ejus fructus, ut explicentur viæ, quibus absq; Simonia per ambages expediri potest, quod Patres vetustioris Ecclesiæ pro Simoniaco habuerunt. Et multum sane interest, ex Novatorum, sententiâ quâ ratione verba illa, propter pecuniam, vel ob pecuniam, accipientur. Illa enim aliquando pretium Simoniacum significant, aliquando autem nullam planè Simoniam involvunt, quando scil. pecunia nec datur, nec petitur ut precium, sed tantum intervenit, ut motivum superandi difficultates, quæ alias impedimento essent. Vid. Renatus à Valle in Hipparcho num. 139. Non multum ab his discedit, quod statuunt Canonistæ ad c. 23. X. de Simon. post jus quæ situm seu obtentum beneficium aut aliud spirituale donum non esse Simoniam, redimere vexationem, quæ pro jure tollendo injustè intertut, vel probabiliter timetur. Nolumus nos confutandis his inhærere, quippe quæ suam ipsa ex se produnt futilitatem, & per subtile ac spinosas interpretationes veritatem obfuscant.

XCVIII. Pateret hic insuper latissimus de annatis, notissimo in Curiâ Romanâ vestigali, disserendi campus, tūm de origine earum, tūm in primis de justitia, & num Pontifex Romanus, dum eas exigit, ab Simonia via liberari queat? Trepide hic incedit, nec tam constanter atque firmiter, ut

ut alias solet, pedem figit, omnem laudem superans Petrus de Marca Archiepiscopus Parisiensis lib. 6. de Concord. Sacerdot. & Imper. cap. 12. Qui annatas illas in subsidium terræ sanctæ occupandæ, aut ad indigentiam Papæ & Cardinalium sublevandam introductas primùm fabulantur, cùm temporaria tantum illa sit exceptio, & omnis jamdudum terræ sanctæ occupandæ spes decollavit, indigentia etiam ita desierit, ut immodicus hodie luxus potius Romæ conspiciatur, parum excusatum reddunt Pontificem. Nec video sanè ego, quid differat hæc Pontificum Romanorum exactio ab facto Antonini Episcopi Ephesini, quod improbatum à Concilio Chalcedonensi dixi supra. Nec frustra sanè liberatum fuit & tractatum in Concilio Viennensi, ut refert Johannes Andreas ad c. inter cætera in fin. de off. ordinar. de imponendâ vicesimâ reddituum omnium beneficiorum pro viâtu Papæ & Cardinalium, ut ab annatis & aliis exactionibus abstinerent, sed omisso, quia, ut inquit, tam insatiabilis est avaritia Pontificum, ut hoc & illud exigent. Sed neque vicesimâ hâc opus erit in tantâ Romæ affluentâ & Cardinalium omnium apparatu planè Regio. Nobis vero destinatum nunc in animo non est, ut quid de annatis illis sentiendum sit, prolixius exponamus. Hoc certum est, anxiam sèpè onus istud deprecatam fuisse Germaniam, uti patet ex gestis in Concilio Constantiensi & Basileensi, tûm & in Comitiis aliis pluribus.

XCIX. Quæ verò dicta haec tenus à nobis sunt, dubitare nos faciunt, utrum approbari queat decretalis Alexandri III. in c. 18. & . de Simon. Anxius erat de electione suâ Archiepiscopus Strigoniensis, quod Simoniæ labœ contaminata videretur; laboraverat enim pro eâ Apostolica Sedis legatus, & huic dono dederat equum frater Archiepiscopi, eo tamen incio. Interrogatus igitur de hoc casu Pontifex hunc in modum respondit: *In hoc, quod P. presbyter Cardinalis Apostolica Sedis legatus pro electione tua, & ut pallium tibi traderet, ad partes illas accessit, & frater tuus ejus presciens necessitatem, ei equum unum te ignorantem transmisit: quoniam per mare veniens nullas aut paucas secum equituras adduxit, te nullo modo timere oportet.* Cùm in accipiendo vel dandis muneribus tria sunt maximè attendenda: personæ scil. dantis & accipientis qualitas: quantitas muneris & donationis tempus. Qualitas personarum, ut à quo, & cui, videlicet, an à paupere diviti, vel e converso, si ve à divite locupleti datum fuerit: estimatio muneris & donationis tempus, si magni vel minoris pretii res data existat, & an instanti necessitate, seu alio tempore conferatur. Si ergo preditorum Cardinalis & fratris tui personam & qualitatem pensamus, non sicut magnum ab eodem fratre tuo, Cardinali equum unum transmitti, quem etiam joculatori non petenti Vir tantus & tam abundans forte donaret. Verum si temporis necessitatem perpendimus, non aliâ intentione hoc constat factum fuisse, quam ut Cardinali subveniretur in articulo prænotato. Quod

I ii

autem

autem scriptum est: *Beatus qui exeat manus suas ab omni munere: de illis donis dictum est, quae accipientis animum allicere vel pervertere solent: quoniam si ipsa etiam persona electi offerat Ordinatori vel Consecratori suo electuarium, aut de vino, sive de aliis bacismodi, quae modici pretii fuerint, & quae voluntatem recipientis inclinare vel movere non debeant: non tamen Ecclesia Romana interpretari consuevit, accipientem in his delinquere vel donantem.*

C. Verum enim vero verendum est maximè, ne per hanc sententiam improbitati & avaritiae quam spesimè velum obtendatur. Etsi enim excusari in certo statu munerum acceptio queat, atque in hanc rem circumstantiae personarum dantium & accipientium, munerum ipsorum, ut & temporis atque occasionis attendi debeant; in praxi tamen non leves se exserent difficultates, cum parum profit, si apud homines nos absolvant distinctiunculae, & conscientiae nos apud DEUM accusent. Licet enim, quae offeruntur, minutula spes sint gratitudinis aut affectionis symbola, quae animum accipientis corrumpere haud videantur, nec tanti sit electuarium aliquod, ut Ordinator inde in transversum se rapi patiatur; quia tamen etiam in minimis sustinetur affectio, & ex levioribus ad majora vel optanda vel captanda facilis est transitus, insuper etiam exiguo dono ita occupari animus hominis potest, ut in electione donanti magis faveat, quam alii alicui æquè digno aut etiam digniori, ille etiam qui donat illud intendere potest, ut sibi benevolum reddat electorem, satius erit, circa actum electionis & ordinationis omnibus in universum largitionibus, quantumcunque illæ fuerint, abstinere.

CAP. VI. *De Postulatione.*

I.

Postulationis vocabulum antiquum est quidem, sed significatio ejus, de qua nunc agendum est, recentior. Clerici etiam olim quandoque & haud raro ad populi postulationem eligebantur, ut indicium ejus apparet ex *L. 49. Cod. Theod. de decurion.* sed postulatio tum & electio non ita distinguebantur, ut hodie communiter fieri solet. Postulatio & electio eo tempore promiscue dici solebant *c. literas dist. 63.* si quidem a populo primum nominatio Episcopi facta fuisset. Nam & *B. Ambrosius electus* dicitur, apud *Gratianum c. Valentinianus d. dist. 63.* qui a populo Mediolanensi primum postulatus fuit. Inerat enim electioni postulatio, quandoquidem non ordinabantur Episcopi sine electione cleri & petitione plebis.